


PL
1420
F35
1666
V. 12



通雅卷之二十七

桐山方以智密之輯著

同里姚文燮經二較訂

貨賄

白選漢白金幣也。○漢志內府多銀錫鑄白金三品。一曰重八兩。圜之。其文龍。名曰白選。直三千。二曰以重選。小方之。其文馬。直五百。三曰復小選之。其文龜。直三百。要鑄三銖錢。史記作白選。重選作重著。謂此以半斤選爲三等也。今誤解以重選復小爲二品三品之名。則非矣。皆名白選也。爾雅白金謂之銀。而漢白金以銀錫爲之。貨殖傳金錫連。徐廣曰。鉛未鍊者。莽錢布穀以

連錫。注李奇曰。鉛錫璞名曰連。應邵曰。連似銅。師古曰。李孟說非。許慎曰。鏈。銅屬也。此下文又云。能采金銀銅連錫。益知連非錫矣。始真鉛與銀錫之類也。唐建中初。判度支趙贊。采連州白銅鑄大錢。一當十。亦白選遺意也。續會要曰。開寶中。減桂楊監。歲入白金三之一。至道廢邵武成州金場。又廢衢州銀冶。景德中建州寶通山出銀。以圖來獻。天聖中。虔州石城產銀。置義豐場。按諸處言銀。則桂陽監之白金。爲白銅。明矣。是自漢之白金幣。非真銀。後遂以白銅爲白金耳。白銅亦稱青銅。慶曆中。知商州皮仲容。采青水青銅鑄錢。張鷟號萬選青錢。曰青者。別其非紅黃也。紅銅加鉛則黃。鉛太多則色襍近黝。鑄者煮黃之。惟有

萬曆錢最好。千錢直一兩。與開元通寶制合。鑄用白銅。民間每多用之。號曰白沙。

赤仄。赤銅錢也。○平準書鑄鐘官赤側。赤仄也。鍾官鑄錢官也。一當五。應邵曰。所謂子紺錢也。如淳曰。以赤銅。周郭不知作法云何。智曰。卽赤銅錢。嘗見青綠古錢。其質地皆赤。應邵所云子紺。子蓋紫之訛耳。今人亦呼爲紫銅。

肉好。好空也。其圜實爲肉。○周景王鑄大錢。曰寶貨。肉好皆有周郭。以勸農贍不足。百姓蒙利焉。爾雅肉倍好。謂之璧。好倍肉。謂之瑗。肉好若一。謂之環。問奇集音。肉爲柔。去聲。爾雅注疏。不音肉。而好爲去聲。愚謂皆不必也。錢形似璧。故亦稱肉好。舊解

肉爲邊非。錢邊曰郭。肉在邊之中也。盜摩錢質而取銖。故要鑄五銖錢。周郭其質。令不得摩取銖。銖音浴。銅屑也。南齊曹武制錢。皆厚輪大郭。除其肉郭。而重五銖者。梁女錢也。謂陰孔好也。無輪郭。不磨鑄而重二銖者。宋景和之耒子荇葉也。杜佑通典。耒子作來子。自此而外。雖光天之鐵錫五銖。開元之偏鑪錢。稜錢。亦有輪郭。要其重曰當千者。孫吳曰永通萬國者。北周之當千。曰直百者。蜀與梁曰得壹者。史思明皆一當百也。曰大泉者。王莽曰重輪乾元者。唐肅皆一當五十。曰嘉禾者。吳之一當五百也。曰比輪者。東晉之初渡。曰大貨者。陳一當五銖之十。曰四柱者。梁一准二十。後准十。曰兩柱者。梁末也。曰八銖者。漢曰大

布者後周曰乾封者唐高曰乾元者唐肅皆一當十曰赤仄者漢曰布泉者後周皆一當五也要其輕曰榆莢者漢曰四分者晉曰風飄水浮者元魏曰沈郎者沈充鑄曰未子曰荇葉宋之二銖曰小錢者莽之一銖曰鵝眼縷環梁末以至隋也其輕重得中者五銖或之上林三官錢亦五銖也光武復五銖董卓更鑄小錢曹公復用五銖劉宋四銖梁後魏隋之初皆五銖其敝則輕矣唐武德四年鑄開元通寶重二銖四參十錢重一兩其文以八分隸篆三體此其古今之得中者乎淳化御書錢乃太宗親書作真州行三體此正倣開元式也自後改元必更鑄以年號爲文近朝京師所用者正五銖後亦四銖天下所用者皆

與開元近後之二錢一緡者乃崇禎末矣古禁散用銀故錢行今在交賊者官收其錢則錢行然官不收錢者以無羨餘也此別有議

九佰錢以九十爲百也○梁武帝普通更鑄鐵錢人皆私鑄嶺東八十爲百名曰東錢江郢以上七十爲百名曰西錢京師以九十爲百名曰長錢大同詔聞外閒用九陌錢今可用足陌錢此自宋晉平王休祐用短錢賊卽唐皇甫鏹之墊錢也五代漢隱帝時王章以七十七爲陌曰省陌錢詳見算數條下

飛錢會錢也○唐正元中禁錢出駱谷散關商賈委錢諸道進奏院及諸軍諸使以輕裝趨四方合券取之號飛錢盧坦請許

于三司飛錢每千增給百錢然商人無至者開寶三年詔于兩京置便錢務使陳鄂監倣唐飛錢也此卽交子務交子始于蜀薛田張若谷請官置交子務時天聖元年也大觀元年改交子爲錢引紹興元年張俊置見錢關子于婺州後行于淮南江東錢端禮造會子三十一年大會子務以千萬緡爲一界小字四日聽稱責以傳別注謂券書亦其遺乎商信朝廷而中邊中京之法行于淮領錢或鹽則鈔亦行矣

紀錢制者泉譜泉志○晁氏志梁顧烜唐張台有譜封演輩廣之李孝美合之成十卷金光襲有錄董道有譜陶岳撰貨泉錄一卷紹興十九年洪遵得古泉百餘品攬撫爲泉志十五卷鄭

樵曰泉者形如泉變而爲器再變而圓故代以錢文而泉專爲流泉用泉之篆下體不从水也先儒不知本末爲流于泉布于布寶于金利于刀皆沿鑿之義智以泉篆爲泉正象有原之水原以泉爲水源則泉非象水而何

塌水解池取鹽法也○山西解池周一百四十里紫色水出石鹽自然印成惟暴雨則耗公私共塌水徑防其滯濫謂之塌水山海經所謂鹽販之澤池西又有一池曰女鹽澤今說以南風成鹽後志注河車池有別御鹽四面刻如印齒文章唐志有鹽池十八井六百四十負海在外業鹽者爲亭戶

渠展齊鹽也○禹莢之商終月大男食鹽五升少半大女食鹽

三升少半。吾子食鹽一升少半。禹讀爲偶。少半猶劣弱也。吾子小男小女也。渠展之鹽。煮水爲之。十月至正月。成三萬六千鍾。下令曰。孟春農事起。無得煮鹽。此則坐長十倍。桓公糶之。得成金萬一千餘斤。

委府。均輸籠貨物之府也。○漢少府屬官有御府。尚方。典作衣服。具白。委府。郡置輸官曰均輸。開委府于京師。以籠貨物。後志凡山澤陂池之稅。名曰禁錢。屬少府。天子藏錢曰少府。諸侯曰私府。

少內。中黃內藏也。○丙吉傳少內嗇夫白吉。注師古曰少內。掖庭主府藏之官也。淮南時則訓六月官少內。景紀以大內爲二

千石置左右內官主天子私財曰少內。桓紀建和元季芝艸生于黃藏府。韋彪傳中藏府受賜錢。莽傳黃門鉤盾藏府。文選注曹植令曰皇帝損乘輿之副。竭中黃之府。晉志少府統中黃左右藏等言中黃門左右藏也。魏爲白藏庫。隋闕左爲左藏院。自漢靈已重左騶矣。唐分左右藏各有庫。有木雌契一隻與大府主簿合之。折租貯左。襍送物貯右。

和市猶周之質人也。○周禮地官質人掌成市之貨賄珍異凡賣儻者質劑稽市之書契同其度量壹其淳制淳與準同此卽後世之平準和市也。均輸籠貨物作委府太甚耳。王莽大五均六幹徒爲煩擾。唐裴耀卿傳爲長安令舊有配戶和市法人厭

苦糴卿責豪門坐賈。豫給以直。絕僦欺之弊。唐百官志。金部掌和市之事。宋天聖四年。置西界和市場。後遂爲樵場。僦欺詐人之僦直也。凡以錢顧庸作。或賃屋定租。皆謂之僦。音就漢志言僦直僦費是也。

山郎出沐錢也。○出錢給文書得出沐。曰山郎。楊惲移長度白罷之。長度謂移文言其長計于度支也。度支亦曰雉度。雇山言雇人給薪也。○哀帝紀女徒已論歸家。復雇山錢。月三百。

左騶輪東園錢也。○桓靈時拜三公。皆輪東園禮千萬。名左騶。竿續舉緼袍示使。故不登公仗。其時又有導行費。修宮錢。

義錢金選罪贖也。○虞翻上疏乞除義錢。義錢者長史聽百姓
謫罰者輸贖者也。卽今之罪贖金布令有贖罪呈金償有紙贖
亦曰罰贖。蕭望之傳罪贖有金選之品。選音刷。謂鍰之率也。詳
見襍說。金布令有罰贖。故今人亦稱罪贖爲贖鍰。

權會。僧也。○戎紀初權酒酤。注師古曰權者步渡橋。爾雅石杠
今之略約是也。禁閉其事。總利之官。而下無由以得利。有若渡
水之權。因太名焉。如淳曰。權音較。較亦有古岳切也。趙王彭祖
傳。使使卽縣爲賈人權會。注權禁他家獨會兩家之賈。智謂會
與僧同。貨殖傳節駟僧。孟康曰。節物貴賤也。謂除估僧其餘利。
顏曰。僧合會。二家交易者。駟者其首率也。音子郎反。僧蓋漢之

月平。唐之經紀也。月平見周禮注。經紀見唐書。駟與樊通俗語。以粗大爲樊。今江廣鹽每縣硃鹽之標。蓋駟鹽也。

辜權。辜障也。權專也。○此漢書音義之解。後漢紀亦言豪右辜權。陳咸鈞校辜權。官者傳辜較百姓。較本音古岳切。轉爲古孝切。故如淳以較音權。此言辜較卽辜權也。智謂權雖有橋義。然實與權通。古作權。王莽傳。吏滑民辜而權之。正謂籠障而專取也。博雅揚雄都凡也。又徐曰。權之言罩也。人謂粗略而舉之曰揚權。毛氏曰。權从月言洞。不从山也。互詳譏語。以估較爲是。

進奉門戶。猶今之門頭也。○唐德宗宮市。賤賣人物。仍索進奉。

門元及腳價等錢門元者走奉所經門元皆有費用漢靈帝時
謂之導行費呂強嘗議之曰如今門單錢入京城有囊襍皆所
不免此尚爲輕其最苦者庫本色之鋪墊

塌地剩茶茶稅也○嘉慶宗時崔琪增江淮茶稅諸道置邸謂
之塌地錢貞元江淮茶稅六模一斤至五十兩咸通中于棕每
斤增稅錢五曰剩茶錢溫公自陝歸洛以俸餘買布洛市價高
卽以夾賣賣之南軒曰不知伊川塌麥有問者曰依市價可知
當時稱塌之例語

封椿宋激賞之庫也○宋太祖別大封椿庫太宗改爲景福內
庫專備邊用也紹興取元謀策名可必者盡入御前椿管激賞

庫張浚至行在詔浚隨行錢物隸內藏爲封樁激賞庫紹興改爲封樁下庫仍隸戶部乾道建左藏封樁庫于都省內遵藝祖景福之遺意以爲軍旅之備自南渡有四百餘萬緡號月樁蓋朱勝非當國時取之

頭子頭會也○政和間陳亨伯爲陝西轉運使始議創經制錢大率添酒價增稅額官賣炙紙頭子錢其後行之東南靖康初廢呂頤浩葉夢得請復之于是先取鈔傍定帖錢命提刑掌之毋得擅用經制錢總創之法創于紹興五季孟庾請頭子錢增十錢又收耆乃長雇錢又收常平五文頭子錢智按漢書頭會箕斂舊謂見人頭而斂錢以箕收之因以抽頭爲頭子錢

下碇。洋舶之始至也。○孔戣拜嶺南節度。蕃舶泊步。有下碇稅。始至有關貨宴。戣禁止之。海船用木毛沉之水中。謂之下碇。王方慶于崑崙舶。秋毫無所索。盧鈞不賤售海舶之珍。皆以得名。宋市舶使。或置于杭。或增置。置于泉州。

賓帙。俛錢外稅也。○秦置熟中郡。漢改或陵。歲令大人輸布一匹。小口二丈。是爲賓布。唐詩。漢女輸賓布。巴人頌芋田。是也。順帝永和。或陵守言。增租賦。虞詡奏。增之必怨。叛不從。蠻爭貢布。遂叛。秦惠王拜巴中君。長歲出賊二千一十六錢。三歲一出義賊千八百錢。民乃出帙布八丈三尺。雞羽三十鏃。漢興。南郡守靳疆請依秦故事。秦昭王復版楮之人。墾田不租。十妻不算。殺

人以倖錢贖。高祖發版楯定三秦。復渠帥七姓。不輸租賦。餘入實錢口四十。永平中。鄭純與哀牢夷人約。邑豪歲輸布貫頭衣二領。鹽一斛。以爲常。今之版楯。則在西粵。頭頂一版。以髮纏之。頰以二尺竹片貫髮如簪。

刑法

法比都目。律令科品也。○魏文侯師李悝著法經六篇。有囚捕。通鑑作網捕。以律始于盜賊也。蕭何除參彛連坐。增部主見知。益事律擅興廐刀三篇。叔孫通傍章十八篇。張湯越宮律三十篇。趙禹朝律六篇。卽張斐所稱朝會正見律。又漢時沒事。集爲令甲三百餘篇。及司徒鮑昱法比都目。凡九百六卷。令甲者。

如淳曰令有先後故有令甲令乙令丙師古曰若今第一第二篇耳沒比者辭訟沒事比也陳忠上沒事比三十三條有科條遂爲之都目劉祐傳移書所在依科品沒入之安帝詔舊令制度各有科品宣帝紀品式備具孔光爲尚書觀故事品式應邵撰具律本章句尚書舊事廷尉版令沒事比例司徒都目五曹詔書及春秋斷獄凡二百五十篇崇文曰春秋沒事比卽獻帝時應邵所上董仲舒春秋斷獄也貴與譏其緣飾淫刑然哉版挈版令也租挈收田之挈令也田律蒐田律也水令用水之約束也○張湯傳書于讞法挈令韋昭曰在版挈也卽應邵之廷尉版令元鼎六年上曰令內史稻田租挈重師古曰租挈收

田租之約令也。兒寬奏開六輔渠定水令。師古曰。用水之次。定爲法令。召信臣作均水約束。黃香遷魏郡守。內外園田。與人分種。香曰。田令。商者。不農。表貉誓民注。誓民以犯田法之罰也。誓曰。無干車。無自後射。疏曰。此據漢田律而言。秋官士師五禁注。今野有田律是也。周禮有司。凡法令皆謂之公令。何並傳注。如淳曰。公令。吏死。官得法賻。公孫弘爲學官。請著功令。師古曰。功令。篇名。史記曰。余讀功令。至于廣厲學宮之路。索隱曰。卽今之學令是也。智以爲此皆泥事作解。功令卽公令也。晉志言漢哀時。王嘉。虧除先帝舊穿令。斷律凡百餘事。言改除其律令也。唐有唐令三十卷。趙緝。金科易覽三卷。宋有竇儀修刑統三十卷。

元豐斷例六十卷。

租銖。租稅律也。○史記大事記。孝文十三年。除田租稅律。貢禹傳。上書曰。除其租銖之律。注師古曰。租稅之法。皆依田畝。不得襍計百物之銖兩。

奇請。它比。別請它例也。○成帝河平中。詔曰。奇請它比。日以益茲。師古曰。奇請。謂常文之外。主者別有所請。以定罪也。它比。謂引它類。以比附之。奇居宜反。

聽請。聽私請也。○王子侯表。沈猷侯受。坐爲宗正。聽請。不具宗室。耐爲司寇。師古曰。受爲宗正。人有私請求者。受聽許之。于宗室之中。事有不具也。

巧請巧于上請也。○漢書賁楊僕巧請。又王溫舒傳巧請。驚事律以驚事告急也。○六典魏命陳羣等采漢律爲魏新律十八篇。增漢蕭何律劫掠詐僞毀亡告劾係訊斷獄請賄驚事償賊等九篇。有以驚事爲變事者。變事令上言變事也。

廐律廐置事例也。○魏新律中令序曰。秦舊有廐置。乘傳副車食厨。漢初不改。後以費稍省。故後漢但設騎置。無車馬。而律猶著其文。故除廐律。

名例刑名法例也。○名例律卽李悝第六篇具律也。魏改漢具律爲刑名第一。晉于刑名中分法例律。北齊併刑名法例爲名例。冠于篇首。

酎金律。八月飲酎。而諸侯助祭貢金也。○後志注。丁孚漢儀曰。酎金律。文帝所加。以正月旦作酒。八月成。名酎酒。因令諸侯助祭貢金。漢律。金布令曰。皇帝齋宿。親帥羣臣承祠宗廟。羣臣宜分奉。諸侯以民口數。率千口奉金四兩。奇不滿千口至五百口。亦四兩。皆會酎少府。食邑九真交趾日南者。用犀角二。長九寸以上。若玳瑁甲一。鬱林用象牙一。長三尺以上。若翡翠各二十。準以當金。蕭望之傳。高紀臣瓚注。晉志皆引金布令。三尺書律之簡也。○鹽鐵論曰。二尺四寸之律。古今一也。客謂杜周書。不循三尺法。周曰。三尺安在哉。朱博傳。三尺律令。人事出其中。言三尺者。周尺八寸。三八二十四也。

深故故不直也。○趙禹傳曰：緩深故之罪，表注晉灼曰：律脫出爲故縱，入罪爲故不直，謂文深故入其罪，卽所云舞文文內也。嚴延平文致不可得反，皆此類也。

搏拚，拚人而奪其物也。○安立侯拾，坐入上林謀盜鹿，又搏拚完爲城旦。師古曰：搏，繫拚襲以奪人物；一曰六博也。拚，意錢也。卽嚴侯遂生拚搏奪公主馬，此有明驗。意錢之解何爲乎？卽鉅已反。

首匿，自首，出其所匿也。○首，謂出首，首去聲。匿，藏匿也。功臣表：臨汝侯灌賢，以嬰孫紹封。元朔五年，坐子傷人，首匿，免。千元，典略：駱曜教民緇匿法。

乏興猥逮訶謔皆律條也。○律有乏興之法。謂官有所興發而輒稽留闕乏其事也。韓延季坐留外國書一月乏興入穀贖完。卜式傳北邊有興猥烏賄切盛多也。逮傳捕也。猥逮者矯爲官府多有逮捕也。訶謂知處密告之也。淮南王安傳爲中訶孟康曰西方人以反聞爲訶謔音明隱語謂偵伺官府利害隱密其事有所追求也。說文謔流言也。流言之解是急就章曰乏興猥逮訶謔求是也。

頌繫不竟入獄也。○宦皇帝而知名者有罪當盜械者頌繫頌與客通言優仕于京師者不竟入獄也。重則下理簿責在京爲若盧獄在外繫治如崔瑗繫東郡發于獄後孝和帝紀復置若

盧獄官屬少府。鞠將相大臣。劉輔繫秘獄。卽後之黃門北寺獄也。徙其工獄法考工。亦有詔獄。詳見宮室。
論命。言論全其命也。○刑法志注李奇曰。命。逃亡也。晉灼曰。命。名也。此皆非是。智按。此蓋承上文而言也。張省。敬定。諸當完者。完爲城旦舂。當黥者。髡鉗爲。旦舂。當劓者。笞三百。當斬左止者。笞五百。當斬右止及殺人之。自告及吏坐受賕枉法。守縣官財物而卽盜之。已訖。命復有笞罪者。皆棄市。若謂已論免其死罪。而又犯則不赦。故曰論命者。論全其命也。
城旦舂。四歲刑。鬼薪白粲。三歲刑。耐。二歲刑。罰作。一歲刑。○罪人獄已沒。完爲城旦舂。滿三歲爲鬼薪白粲。一歲爲隸臣妾。隸

臣妾一歲免爲庶人。隸臣妾滿二歲爲司寇。司寇一歲及作如司寇二歲皆免爲庶人。城旦者，旦起治城也。舂，婦人使作米也。鬼薪，取薪給宗廟也。白粲，女擇米使正白也。男子爲隸臣，女爲隸妾。正氏謂虞有流無徒。漢有徒無流。智按陳湯徙敦煌，馬融第五種皆徙朔方，非流乎？

砒死，磔死也。○李斯傳砒死卽磔也。漢景帝改磔曰棄市，言與眾共棄之也。

底劓，卽屋誅也。○商鞅造參夷之法，參夷三族也。哀敘傳曰：底劓，鼎臣。師古曰：劓者厚刑，謂重誅也。易其刑劓。鄭曰：重刑。京云：刑在頰爲劓。周禮司烜氏：邦若屋誅，注謂所殺不于市。適甸師。

讀如其刑劓。在屋韻。又在覺韻。集韻或作黠。

磬。縊也。○自隋以前。死刑有五。曰磬。絞。斬。梟。裂。隋定爲二。絞。斬。今增凌遲。古者公族有罪。磬于甸人。鄭玄曰。懸縊殺之曰磬。其自縊爲雉經。

鶴紐。鞵法也。○梁制有制鞵法。鞵常鞵。制鞵生革。廉成常鞵。熟鞵不法。廉皆作鶴頭紐。隋去之。

古之鈇。今以鐐代之。○刑在項曰鉗。在足曰鈇。鉗卽鉗也。會典獄具也。曰笞。曰杖。曰訊。曰枷。曰杻。曰索。曰鐐。以木爲之。穿一足交臂。歷指。今之背剪。拶指也。○莊子罪人交臂歷指。國語次用鑽笮。卽拶與夾也。郝氏謂卽剪刺字。恐非。陳平傳反接。言反縛。

也。

問端猶言問頭也。○唐書收元載王縉鞠之問端皆出禁中身之曰問端猶今言問頭也。今但謂之審款審問之語曰招曰拱。王龔傳大臣不至重問。注獄重曰重問。翟方進有罪五二千石襍問。

爰書援律定罪書也。○張湯傳注師古曰爰換也以文書代換其口辭也。智謂爰書者鞠問其狀而援律令以定罪之書也。今吳中讀援如玩而江楚讀元據師古以換訓爰可知唐時方言合古詩無然畔援卽畔換古有此音也。說文爰从于于元切。陸德明讀援去聲。

嘉石。肺石。爲文石。赤石之說謬矣。○司寇嘉石。平罷民。鄭玄曰。文石也。使民思其文理而悔過焉。肺石。達窮民。玄曰。赤石也。訓雋。咲之。嘉石。猶刑。曰祥刑。民曰嘉師。園土爲福地耳。肺石。先王移赤心。入人之腹。智謂肺主聲。所以達也。

黥面。卽黥。○梁律。凡盜黥面。爲刵字。至天監中。制除黥面之刑。都感切。卽黥刑。說文。渠京切。集韻。古作剕。或作剕。退之詩。敗面碎剕。剕。

畫象者。刑人之服也。○白虎通云。五帝畫象者。其服象五刑也。犯墨者。幪巾。犯劓者。赭其衣。犯黥者。以其墨幪其黥處而畫之。犯宮者。履屣。犯大辟者。布衣無領。又慎子云。以畫跪當墨。草纓。

當劓。履屣當剛。艾蹕當宮。是以尚書曰五刑有服。故凡斬人體
鑿其衍形曰刑。畫衣冠異章服曰戮。此解與書注不同。大約古
人附會。多半如此。孟奇又疑鍼經有無鬚之語。謂黃帝時已有
宦者。則五刑始于黃帝。不知鍼經豈真黃帝書乎。

鉗子鉗徒也。○五行志廣漢鉗子謀攻牢。師古曰鉗子謂鉗徒
也。

瘦死。囚徒病死也。○宣帝紀瘦死獄中。蘇林曰瘦病也。囚徒病。
律名爲瘦。師古曰瘦或作瘠。

通雅卷之二十七終

通雅卷之二十八

桐山方以智密之輯著

同里姚文燮經三較訂

禮儀

今言三禮實有四禮而定于二禮。○儀禮周禮皆云周公作。後有大戴禮小戴禮。是曰四禮。小戴今禮記也。最後而列五經。以述孔子語也。儀禮周禮列十三經。大戴不列學宮。大小戴雷同家語。而大戴載曾子語獨多。則漢藝文志稱曾子十八篇。此類是也。正義敘云。周禮儀禮是禮記之本。書有一禮必具一義。禮本周公。義本孔子。經明于傳。四禮定于二禮矣。大學中庸禮經

當劓。履屣當剛。艾蹕當宮。是以尚書曰五刑有服。故凡斬人體
鑿其衍形曰刑。畫衣冠異章服曰戮。此解與書注不同。大約古
人附會。多半如此。孟奇又疑鍼經有無鬚之語。謂黃帝時已有
宦者。則五刑始于黃帝。不知鍼經豈真黃帝書乎。

鉗子鉗徒也。○五行志廣漢鉗子謀攻牢。師古曰鉗子謂鉗徒
也。

瘦死。囚徒病死也。○宣帝紀瘦死獄中。蘇林曰瘦病也。囚徒病。
律名爲瘦。師古曰瘦或作瘠。

通雅卷之二十七終

通雅卷之二十八

桐山方以智密之輯著

同里姚文燮經三較訂

禮儀

今言三禮實有四禮而定于二禮。○儀禮周禮皆云周公作。後有大戴禮小戴禮。是曰四禮。小戴今禮記也。最後而列五經。以述孔子語也。儀禮周禮列十三經。大戴不列。學宮大小戴雷同。家語而大戴載曾子語獨多。則漢藝文志稱曾子十八篇。此類是也。正義敘云。周禮儀禮。是禮記之本。書有一禮必具一義。禮本周公。義本孔子。經明于傳。四禮定于二禮矣。大學中庸禮經

之心百世可知此易簡之至理也禮運曰禮本于大一分爲天地轉爲陰陽變爲四時列爲鬼神人者天地之心五行之端協于分藝道德仁義非禮不成藏智崇于禮卑內外本合易禮會通而幽明一矣司馬談宗道家而遷尊孔子繼春秋禮樂二書詳哉言之洋洋美德乎宰制萬物役使羣衆豈人力也哉此卓見也此遷所以爲孝也古作禮後作禮以禮運運禮器也使人履其體理也後世或失拘牽故曰禮時爲大順次之體次之宜次之稱次之祭以孫爲尸將嫁教于王宮三月大饗已廢夫人之禮而謂後世可泥古之迹乎郊祀疑天地分合宗廟疑昭穆迭毀太學令太常擇民明堂遵玉帶之圖漢始綿蕞其後止此

唐貞觀禮出玄齡顯慶禮出無忌韋公肅有禮閣新儀王彥威有曲臺新禮宋聶崇義進三禮圖陳祥道著禮書劉溫叟上通禮盧多遜有纂義王皞賈昌朝有新編新禮王洙尹師魯有禮器禮象而朱子家禮則儒者所宗也洪武革鉞笠都納之後舉徐一夔梁寅周子諒胡行簡劉宗弼董彞蔡溪滕公琰修禮書宮闈外戚駙馬除前代弊祭祀而省俎豆冠服而省五冕訓儲而議再拜封拜而嚴本支父母均喪三年冠昏逮于士民三年大明集禮成諭陶凱曰教化必先禮義政刑非所先也叔孫雖禮糠粃然創制于煨燼兩生迂待百年朝廷之禮廢矣時哉大哉

廟以昭穆敘代。因以班行爲等輩之稱。說文作昭穆。大傳作昭繆。○王制天子七廟。三昭三穆。鄭玄馬融謂七廟。劉歆王肅謂九廟。黃氏曰左昭右穆。父子序者。常禮也。祖功宗德不遷者。義也。周公制禮時。文成在四親內而未祧。故止七廟。懿王時。文成已在三昭穆外而不祧。故爲九廟也。原廟之遊衣冠。始于孝惠。飾非叔孫舞禮。別室之藏神主。始于孝明遺詔。而孝章如之。孝宣別祠戾園。光武別祠舂陵。晉廟至七代。十一室。唐廟至九代。十一室。宋初祀四親。末祀十二帝。而同堂異室。則先儒所永歎也。朱子曰。後世不能考古。各廟而合爲都宮。又以昭常爲昭。穆常爲穆。祧則子孫竟居父祖之上。夫坐序賓主。各以序。遂卽各

廟而迻其室何難乎。儀禮曰：卒哭明日，以其班祔。記曰：祔必以昭穆。周禮：塚人先正，葬居中，以昭穆爲左右。祭統曰：祭有昭穆。有事于太廟，則群昭羣穆咸在，而不失其倫。凡賜爵，昭爲一，穆爲一。昭與昭齒，穆與穆齒。大傳曰：合族以食，序以昭穆。此因父昭子穆而稱其行輩。猶云伯叔行，常爲伯叔行；兄弟行，常爲兄弟行；或祖孫幾代相齒，故曰咸在而不失其倫。左傳曰：大王之昭，王季之穆，文之昭，武之穆。據父子班行而指其分族也。漢舊儀：昭西面，穆東面。據廟向南而左右指之也。昭穆不可易，而祖考子孫之次序反可亂越乎？況世已同堂異室，可更泥邪？夏言之議是也。禮因義起，漢儒臆說，豈孔子之意哉？晉諱昭而讀韶。

或改爲烝。佩觿曰。說文有烝穆。智謂晉唐新附耳。集韻作祀。

禘嘗通名。禘與牲別。推始祖亦稱爲禘。而周禮實無大禘。諸儒皆未洞也。○王制春禘夏禘。秋嘗冬蒸。天子牲禘禘。禘嘗禘。蒸。諸侯禘則不禘。禘則不嘗。嘗則不蒸。蒸則不禘。諸侯禘牲。禘一牲一禘。嘗禘。蒸禘。牲與特同。智攷周禮無禘。改爲春祠夏禴。祭統特牲。多言禘。陽嘗陰蓋。以四時舉陰陽。則曰春禘秋嘗。合祭曰禘。與一特一禘之禘。繫而言之。則曰禘禘。而禘其始祖所自出。則以禘爲字法。大禘卽禘也。禘以禘爲大。以牲爲小。以每歲爲大。以越歲爲小。若曰天子禘。諸侯禘。禮無此明文。若曰禘外有大禘。豈周天子最隆之大禘。而不設職掌于周官哉。賈逵。

劉歆馬融王肅鄭玄張純皆混智別有論。

釋菜卽舍菜致獻也。或曰醴也。拾也。設也。○月令上丁樂正習舞釋菜。文王世子。凡學春官釋奠。周禮大胥春入學舍菜合舞。謂設而致獻也。史記張儀傳杖而醴之。卽釋說文釋从采。音而詩釋之叟叟。改作釋。从米。漬也。鄭氏曰。諷籥九千者少。古亦順手借音。則漬醴拾設。音義皆通。自陸賈奏新語。漢高遂祀孔子。貞觀尊孔子爲宣父。明皇褒爲文宣王。宋太廟門戟。眞宗欲謚爲帝。禮臣議爲至聖元皇帝。而李清臣以周陪臣止之。成化時。周洪謨楊守陳皆有尊帝議。張璁改木主稱師。幸學釋奠。八佾加籩司成坐講。則定禮也。呂柟王鏊議興禮樂。惜未行也。聖人

萬世爲上。雖爲周陪臣。而百代以道帝之。璫陽尊而巧抑耳。

儀適。儀注也。○太史讀禮書而協事。疏曰。若今儀注。太僕詔法儀。小臣相王之小法。儀注趨行拱揖之容也。隋志曰。儀注之興久矣。唐虞以上分之爲三。在周因而爲五。周官宗伯所掌。而太史執書以協事之類是也。如淳晉灼嘗引漢儀注。灼又曰。衛宏漢儀所說多不實。丁孚又作漢儀式。章帝紀及祭祀志皆引之。春秋正義引魏晉儀注。寫章表別起行頭者。謂之跳出。晉新定儀注。晉安成太守傅瑗撰。隋志曰。梁武始命羣儒裁成大典。陳許亨奏曰。梁儀注曰。一獻爲質。三獻爲文。事天之事。故不三獻。梁有五禮儀注。明山賓賀瑒嚴植之陸璣司馬鑒所撰。唐志儀

注有六十一家。宋三輯禮書。紹興中太常復足儀注。此二字至今相承用之。儀適者。竇融先遣從事問會見儀適。謂儀注適合也。

三朝。外朝中朝內朝也。○地官豪人疏。天子三朝。路寢庭朝。是圖宗人嘉事之朝。太僕掌之。又有路門外朝。是常朝之處。司士掌之。又有外朝。在皋門內庫門外。三槐九棘之朝。是斷獄蔽訟之朝。朝士掌之。師氏居虎門之左。司王朝。注路寢門也。謂之筴朝。以路寢安筴之處也。文王世子曰。公族朝于內朝。親之也。路門外之朝曰治朝。其皋門內庫門外曰外朝。詢眾庶之朝也。通典曰。周制四朝。一曰外朝。在皋門內聽訟之朝。朝士掌之。二曰

中朝在路門外。司士正其伋。三曰內朝。卽路寢煖朝。太僕掌之。四曰詢事之朝。在雉門外。小司寇掌其政。常言三朝者。以詢事之朝。非常朝也。易氏曰。小司寇掌其政。朝士掌其法。言外朝特詳。則以通典四朝之說爲非矣。按先鄭之釋朝士外朝在路門外。而康成援郊特牲小宗伯之文證之。誠足以破後學之惑。小司寇之外朝。則曰在雉門外。何歟。賈公彥爲之說曰。在雉門外。則亦在庫門外。要當以是說爲正云。漢亦有中朝外朝內朝之稱。劉輔繫獄中朝。左將軍辛慶忌等俱上書救之。注孟康曰。中朝。內朝也。大司馬左右前後將軍侍中常侍散騎諸吏爲中朝。丞相以下至六百石爲外朝。王嘉事下將軍中朝者。韋玄成

詔中朝臣具復毀廟之文。翟方進奏陳咸不當。蒙方正舉備內朝臣。又按橐人注。司徒府中有百官朝會殿。天子與丞相決大事。是外朝之存者。此語未敢謂然。霍氏家亦曰殿。古之通稱。前代天子嘗幸臣子家。則或過司徒府耳。豈可謂之朝乎。唐六典。正至御承天門以聽政。古之外朝也。朔望坐太極殿視朝。古之中朝也。常日兩儀殿聽朝視事。古之內朝也。會要曰。房玄齡請三日一臨朝。貞觀二十三年。詔每日常坐。顯慶二年。隔日視事。永徽二年。太極殿五日一視事。唐制以隻日視朝。文宗用隻日。貞元十八年。罷正衙奏事。

正衙。御前殿也。入閣。御便殿也。○宋庠言。唐有大內。有大明宮。

在大內之東北。世謂之東內。謂大內爲西內。自高宗以後。天子在大明宮。宮之正門曰丹鳳門。門內第一殿曰含元。正至大朝會則御之。對北第二殿曰宣政。謂之正衙。朔望大冊拜則御之。對北第三殿曰紫宸。謂之上閣。亦曰內衙。隻日常朝則御之。會要曰。貞觀五年。詔諫官入閣。貞元七年。詔常參官入閣。不得奔走。文宗開成元年。詔入閣日次。對官班退。立于東階松下。入閣者。入宣政殿兩門。所謂東西上閣門也。五代史李琪傳。明宗詔羣臣。五日一隨宰相入見。曰起居。琪請罷之。而復朔望入閣。然唐政事朔望日。御宣政殿。立仗正衙。或御紫宸殿。則喚仗入。曰入閣。前無此制。開元以朔望上盤食。玄宗避正殿。遂移紫宸喚

仗始有入閣之名。敬宗寶曆初，始以月朔御紫宸入閣。後之言唐故事者，遂曰：天子日御殿，日常參朔望薦食諸陵寢，有思慕之心，不能臨前殿，則御便殿，曰入閣。按衙朝也，其禮尊。閣宴見也，其禮殺。僖宗乾符後，因亂禮缺，正衙常日廢仗，而朔望入閣有儀。其後習見，以入閣爲重，至出御前殿，猶謂入閣，誤也。宋淳化二年，張洎奏曰：今乾元殿卽唐含元殿也，在周爲外朝，唐爲大朝。至正仗衛在此，今文德殿卽唐宣政殿也，周爲中朝，漢爲前殿，唐爲正衙，朔望起居，冊拜試策在此，今崇德殿卽唐紫宸殿也，周爲內朝，漢爲宣室，唐爲上閣，卽隻日常朝之殿也。東晉太極殿有東西閣，唐制紫宸上閣，法此制也。今以文德正衙權

爲上閣非憲度也。洎所言當朝朔望亦與唐不同。或者總合唐之初末而言之乎。太平興國入閣舊儀。軍校不入殿庭起居。文或官入沙墀。再拜鞠躬。不呼萬歲。紹興中王賞言。前殿正衙設黃麾半仗。紫宸垂拱。係別殿。不設儀仗。十三年紫宸殿設黃麾角仗。于是討論朔日文德殿視朝。紫宸殿日參望參。垂拱殿日參四參之制。今時朔望御正殿。百官公服幘頭朝參。而不引見奏事。每日御門視事。百官錦繡諸司奏事。蓋以朔望御殿備朝賀之禮。而以日朝御門爲奏對之便。較之唐宋善矣。正殿皇極殿。御門則皇極門也。日朝後以三六九。而羣臣一體無六參九參之分。至受俘宴餼。則御午門。而常日召對。則或在中極殿。或

在中左門。或在文昭閣。或在德政殿。德政殿卽中左門之左煖閣也。中左門中右門卽唐之宣政殿東西上閣門也。正至大朝賀。則御皇極殿。皮弁服。百官朝服。鴻臚寺前二日奏請升殿。俄肩班侍從先立班也。○宋準舊儀侍從官先入起居畢。分行侍立于丹墀下。謂之俄肩班。然後宰相率正班入起居。俄肩卽蛾眉也。近時大朝則執事侍班官先于中極殿行禮。分侍殿中。然後外大班于殿下行禮。三六九門朝。侍班同行一拜三叩頭禮。卽前依陛螭分立。由此觀之前朝之常朝亦侍班官先行禮也。

橫行橫班也。○宋初沿唐故事。百官日赴文德殿。宰臣押班。謂

之常朝。休假三日以上。內殿起居官畢集。謂之橫行。宰相以下。應見謝辭者。皆先赴文德殿。謂之過正衙。猶今之辭見謝恩。先在午門外行禮。後入就門陛前。致辭叩頭也。元豐四年。御史滿中行言。今垂拱內殿。宰臣以下。旣以日參。而常朝不廢。至于橫行正衙。必俟天子御殿日。乃可行之。虛名謬例。欲望罷去。詔從之。嘉祐三年。詔立定橫行員數。客省使至閣門。使曰橫班。宣和官濫。橫行至百十有八人。宋敏求退朝錄曰。舊制凡連假三日。而著于令者。宰相至陛。朝官盡赴文德殿。叅假。謂之橫行。次日百官仍赴內殿起居。近年連假後。多僣起而廢橫行之禮。

表著。班位也。○左傳叔向曰。朝有著定。會有表會。朝之言必聞。

于表著之位。注著定朝內列位常處門屏之間曰著。野會設表以爲位。景祐四年刊石爲百官表位。紹興中以內諸司爲垂拱殿。四參于殿門外設位版。後請四參石位。裝字以黃蠟。日參石位以紅蠟。今皇極丹墀有品級山子是也。

廊餐。賜食廊下也。○五代會要曰。唐制常參官。每日朝退賜食。謂之廊餐。舒元興記。御史押百官入宣政門。則分押于鐘鼓樓下。若兩班就食廊下。又分殿中一人爲使蒞之。自乾符後月旦入閣。日賜食禮畢。閣門放仗。羣臣俱拜。謂之謝食。建隆元年。仗退。賜廊下食。云廊下食起唐貞觀。

小見。筵見也。○史記褚先生曰。侯王朝天子。漢法凡當四見。始

到入小見。正旦奉皮薦璧玉。法見後三日。爲王置酒。賜金錢財物。後二日復入小見。辭去。留長安不過二十日。小見者。與見于禁門內。飲于省中。非士人所得入也。

夕者。暮見也。○柳宗元曰。古者旦見曰朝。暮見曰夕。詩莫肯朝。夕。傳朝而不夕。禮記曰。日入而夕。朝不廢朝。暮不廢夕。晉叔向夕。楚右尹子革夕。齊子我夕。趙文子簪其楮。張老夕。知襄子爲室。士茁夕。皆暮見也。漢儀夕則兩郎向瑣闥拜。謂之夕郎。亦出是名也。

春曰朝。秋曰請。○吳王傳使人爲秋請。注孟康曰。律春曰朝。秋曰請。如古諸侯朝聘。宣紀時會。朝請舍長安尚冠里。張禹傳喜。

馮參俱奉朝請。一曰請字去聲。

常參日朝參也。○唐志文武職事九品以上及二王後朝朔望文臣五品以上及兩省供奉官監察御史員外郎太常博士日參號常參官武官三品以上三日一朝號九參官五品以上及折衝當番者五日一朝號六參官。

轉對次對也。○唐制百官入閣有待制次對官興元中詔延英坐日常令朝官三兩人面奏時政得失後唐天成中五日內殿起居廢待制次對之官每遇起居日令百官轉對言事晉天福中五日起居以兩人轉對宋建隆三年御札朝臣以次轉對淳化二年詔復百官次對咸平中詔轉對章疏別錄一本留中紹

興二年。行在百官。日輪一人轉對。又詔輪對已周。復令轉對。孝宗詔百官日輪面對。

引奏。門司仗家引入奏事也。○唐時有門籍者。皆得出入殿庭。直至御前。如其無門籍者。若有急奏。許門司仗家引奏。無得關碍。故貞觀以來。羣臣士庶皆得進言。今時之引奏如門朝。鴻臚引承差入奏。通議在前。讀其大要。承差則跪橋邊。是其遺也。

御殿閱馬。宋禮也。○宋太宗至道元年。御崇政殿。閱驥驥院所進馬。仁宗明道二年正月。御端明殿。閱馬。今時元旦。太宗伯同執事官。中極殿行禮畢。奏曰行禮畢。請上位看馬。朝畢。御馬監從會極門。引馬入上中左門。智嘗怪此禮行于元旦。古所不載。

也。

優策。優禮策拜也。○南史褚淵傳爲錄尚書事。有司疑立優策。尚書令王儉議中朝以來三公王侯則優策并設。官品第二策而不優。優者褒美。策者兼明委寄。尚書職天官。品雖第三。拜必有策。錄尚書事與本官同拜。故不別有策。卽事緣文不宜均之。凡庶宜有策書。用申隆寄。旣異王侯。不假優文。從之。

失闌。失闌入之禁也。○漢王嘉傳。戶殿門失闌。免。注闌。止人也。成帝紀。闌入尚方掖門。應邵曰。無符籍。妄入宮。西域傳。闌出不禁。說文作闌。妄入宮掖也。卽闌字。

門籍。置牒于門。以案出入也。○漢居宮中者。皆有口籍。以官名

爲鐵印文符。門案省符乃內之。若外人以事當入。本官長吏爲封啓傳。元紀。令從官給事宮司馬門中者。得爲父母兄弟通籍。汪應邵曰。籍者爲尺二竹牒。設其年紀名字物色。掛之宮中。案省相應。乃得入也。梁王傳。梁之侍中郎謁者。著引籍。竇嬰傳。太后除嬰門籍。京房傳。願得通籍殿中奏事。唐百官志。左右監門衛。掌諸門禁衛及門籍。文成官九品以上。每月送籍于引駕仗及監門衛。衛以帳報內門。凡朝參奏事待詔官。及繖扇儀仗出入者。問其數。監察御史正門無籍。天授中詔側門置籍。得至殿庭。司門郎中。掌門關出入之籍。凡著籍。月一易之。儀衛志。平明傳點畢。內門開。監察御史領百官入。夾階監門校尉二人執門

籍曰唱籍既視籍序班于通乾觀象門南或居文之次入宣政門至閣門亦如之夾階校尉十人同唱會要貞元八年十月復命金吾置門籍于文定謂門籍始于唐蓋失考耳

鄭注詩詁之解九擗皆非也○周禮擗卽拜字九擗一稽首二頓首三空首四振動五吉拜六凶拜七奇拜八褒拜九肅拜鄭注奇爲一屈一膝或爲倚拜毛鄭以褒拜爲持節拜鄭大夫以振動相擊其說固非詩詁謂頓首置首于地卽起振動謂恐悚迫蹙而下手吉拜雍容下手褒作報字恐亦未必然智謂稽首如今之跪拜禮頭隨手至地而起揖者也頓首如今之叩頭之類首叩至地也臣言稽首頓首謂先行稽首禮而臨起復叩頭

也。空首，首不至地，但下手。司農所謂擡，正如今所謂長揖。宋以後所謂聲喏，振動如儀禮之揖厭，推手曰揖，引手曰厭。今所謂打躬，連拱手是也。吉拜，盤辟雅拜。如今鞠躬拜興與拜之類。凶拜，稽顙而後拜也。奇，不偶也。不再拜，如今常朝但一拜。士大夫人不相見，或有同四拜者，常時止一拜。見長者則一跪而已。褒拜，褒衣致謝，或致辭，或答拜之類。肅拜，如所說婦人拜是也。公，半偃。二年注，以手通指曰揖。凡夫曰揖爲前後手，擡爲上下手。齧爲頭觸地，頓爲伏地。稽顙則觸地而伏也。擡，身計切。揖，擡齧。稽分四字，此字書之說也。古揖且與挹通，豈擡不與揖通乎？曰長揖爲聲喏至地，則曰揖之爲拱手，昭昭可知也。字書好分別。

耳。觀古人長揖，足證古人本通用也。涪翁襍說曰：唐人書末言謹空，蓋九拜之空首也。智以謹空者，猶今之東末左冲耳。

拘罷矩折，言磬折之容也。磬折，卽所謂平衡。躬躬，揖厭威儀也。○記磬折垂佩。西門豹簪筆磬折，鉤命璚言：孔子向北斗磬折，言句倨曲躬也。淮南曰：勾踐無拘罷矩折之容而勝。注：拘罷，圓也。矩折，方也。按罷當音擺。今翔步必搖擺，其來舊矣。荀子：平衡曰平。下衡曰稽首。至地曰稽顙。注：平衡，謂磬折首與要平。曲禮：吉事欲其折折爾。舊注如提字，亦強。蓋謂矩折周旋中禮耳。聲喏，猶唱喏也。啞揖，咄散告喝。籠門，屈揖。宋儀也。○老學菴筆記曰：先君言舊制朝參拜舞而已。政和以後增以喏。然紹興中，

余造朝已不復喏矣淳熙末還朝則迎駕起居閣門亦喝唱喏然未嘗出聲也又紹興中朝參止磬折遂拜今閣門習使先以笏叩額拜拜皆然謂之瞻笏亦不知起于何年也又曰古所謂揖但舉手而已今所謂喏乃始于江左諸王支道林入東見子猷兄弟曰見一羣白項烏喚啞啞聲卽今喏也石林燕語曰三衙內見宰執皆橫杖子文德殿後主廊堦下唱喏宰執出笏堦上揖之外遇從官于通衢皆斂馬避斂馬之制久廢前輩記之矣惟內中橫杖子之禮迄今不敢廢也又曰中丞侍御史上事臺屬皆東西立于廳下上事官拜廳已卽與其屬揖而不聲喏謂之啞揖以次升階上事官據中座其屬後列坐于兩旁上事

官判按三道後皆書日記諮而後百司人吏立于庭臺吏事廳上厲呼曰咄則百司人吏聲喏急趨而出謂之咄散然後屬官始再展狀如尋常參謁之儀始相與交談前此蓋未嘗語也案後判記諮恐猶是方鎮憲銜時沿襲故事記謂記室諮謂諮議不知啞揖咄散爲何義然至今行之不改存中曰百官于中書見宰相九卿而下卽省吏高聲唱一聲屈躬趨而入宰相揖及進茶皆抗聲贊喝謂之屈揖待制以上見則言請某官要不屈揖臨退仍進湯皆于席南橫設百官之位升朝而坐京官以下皆立又曰唐制丞郎拜官卽籠門謝今三司副使以上拜官則拜舞于堦上百官拜于堦下而不舞蹈此亦籠門故事也遇兩

而旋亦籠門。又曰三司開封府外州長官升廳事則有衙吏前導告喝。今時之制在禁中。雖三官得告宰相告于中書翰林學士告于本院御史告于朝堂皆用朱衣吏謂之三告官。所經過處閣吏以挺扣地警眾謂打杖子。

卷班班退也。○起居畢宰執升殿尚書以次各隨其班次第相踵從上卷轉而出謂之卷班。今門朝宰相升階百官歸班歸始立之班也。大朝軍衛朝罷猶有卷班之儀。左右各出皇極門之王門百官則散出。

一塿一耜之塿也。○周語虢文公曰土乃脈發先時九日太史告稷稷以告王曰史帥陽官王其祗稷監農不易王耕一塿班

三之。注一耜之墾也。王無耦。以一耜畊。班三之下。各三其上也。神倉。藉田倉也。○漢置藉田倉。以給桑盛。置令丞。古甸師也。唐宋曰神倉。縣邑常以乙未祀先農。先農神農也。晉志漢餼縣邑以乙日祀先農。乃耕于乙地。東京賦注。帝藉田在國之辰地。親耕乘芝車。青衣幘。按辰方卽乙方。今六壬家以寅納甲。辰納乙。而空子午卯酉是也。

宋賜福酒。卽勞酒之意也。○月令勞酒。自南齊行之。江總有勞酒賦。唐宋皆行勞酒禮。明道元年耕十二畦。賜百官福酒。月令躬耕。帝籍。反執爵于大寢。命曰勞酒。

青箱。隋也。青綾綰。宋也。○隋書藉田令。以青箱種。種之種。跪呈。

司農詣耕所曬之。唐不行此禮。宋明道以製成御耒耜青箱等
奏御。青箱無蓋。兩頭設襻。飾以青。中分九隔。隔設一種。覆以青
帊。求太宗所御耒耜。而青綾絹依然如新。于是即用舊絹。

綴祭曰醊食。○後漢張奭傳祭醊。廣韻醊祭也。說文餼祭酹也。
酹。綴祭也。顏師古曰醊。謂連續之祭也。音綴。或紀其下四方爲
餼食。史封禪書爲醊食。羣臣從者。一作脰。郊祀志作脰。與餼醊
綴並同。後志中八陛。陛五十八醊。合四百六十四醊。

畿。創也。○說文畿。以血有所涂祭也。引周禮肆師。掌祈珥者。釁
禮之事。舊書祈爲畿。徐曰假借作祈。本作畿字也。禮記成廟則
釁之。雍人舉羊升屋。自中屋剖羊血乃降。門夾室皆用雞。或作

創。周禮小子珥于社稷祈于五祀。鄭注珥當爲珥。祈或爲創。士師凡創珥釁禮之事。用牲毛者曰創。羽者曰珥。集韻亦作氣。又作機。肆師祈珥。鄭玄注祈當作進機之機。按幾創祈氣機相通。幾創氣是一字。音畿。

五射。白矢。參連。剡注。襄尺。井儀也。○白矢。矢貫侯過。見其鏃白也。參連。前放一矢。後三矢連續而去也。剡注。羽頭高。鏃低而去。剡剡然也。襄尺。臣與君射。不與君竝立。襄君一尺而退。音讓。井儀。四矢貫侯。如井之容儀也。智謂白矢謂告矢。卽樂師之以行告也。參連。言耦立參連也。襄不必讀讓。正如兩服兩襄之義。如曆家之襄。亦謂從旁記數也。司射揚觸。捫復。揚觸。謂矢揚而中。

侯也。柎復謂不著而還復中也。揚觸卽剡注并儀。謂四正具舉之儀也。四正具舉見貍首詩。周禮卿大夫退而以鄉射之禮。五物詢衆庶。曰和曰容。曰主皮曰和。容曰興舞。亦五射也。洪武三年詔行大射禮。

儻衛。試矢也。○周禮矢人夾而搖之。注今人以指夾矢。儻衛是也。智按儻衛謂夾搖之聲也。試矢者以手撚箭。鏃去有聲。以徵其直。

參亭。後爲三停。○詩行葦疏。參亭謂三分矢。一在前。二在後。輕重鈞亭也。今畫龍画人者皆分三停。正謂三段均停。因其停處有停筆體量之意。

五馭鳴和轡逐水曲過君表舞交衢逐禽左也。○鳴和轡者和
在式轡在衡升車則馬動而轡鳴和應也逐水曲者御車逐水
勢屈曲而不墜水過君表者毛詩傳曰褐纏旃以爲門君表卽
褐纏旃也舞交衢者謂御車在交道車旋應于舞節逐禽左者
御驅逆之車逆驅禽獸使左當人君以射之見係氏注按諸名
皆漢儒所分賈公彥曰先鄭以意而言曾慥以五射五御謂天
子諸侯卿大夫士其說亦順呂覽曰寒袁作御列子曰造父之
師曰秦豆氏

草止美令也。○夏官教養令陸軍止之也軍有草止之法宋人
御子嘗言軍行草止

善爲頌言能爲頌貌。威儀也。世有善人之。儒林傳徐生善爲頌。孝文時爲禮官大夫。傳子立。立傳子。亦明頌爲大夫。言禮爲頌。由徐氏江蘇林曰。與舊傳有二。一曰。立傳子。爲後事。有徐氏張氏。天下郡國有。史官。言。之。書。之。禮。之。圖。一曰。商之禮官也。故今禮部稽察等。設頌乃古容也。公曰。公。平。聲。漢唐生褚生應博士。弟子。應。掘。衣。登。堂。頌。貌。甚。惡。又。作。容。書。容。繫。一作頌繫。借爲雅頌之貌。借。笑。容。曰。笑。見。及。借。用。容。內。之。容。一曰。詩序云。頌者。笑。盛。德。之。形容。也。正。宜。作。余。封。切。讀。詩。紀。載。舟。張。辟。塵。之。詩。亦。引。詩。官。注。所。載。曰。敬。而。喜。平。爾。眾。工。奏。爾。悲。誦。肅。肅。肅。肅。無。不。是。皆。頌。也。則。頌。爲。容。字。益。明。矣。

綿蕞卽綿蕞。○立竹及茅索營之也。本音絕與蕞同。史記注蕞卽纂。徐廣曰蕞子外反。中原韻會對收入齊微則蕞正與今讀合耳。九域志夔州八陣磧在魚復平沙上。凡六十四蕞。音升菴撮引纂文曰蕞今之纂字。包愷作旣悅切。賈逵曰束茅以表位也。智按此則蕞卽綿蕞之蕞。考篆巴作𠂔。𠂔作𠂔。說文𠂔音巴切。从艸白𠂔而不从𠂔。其纂文所造邪。抑聲通邪。

鹵簿以大櫓爲衛而紀之簿也。○使曰鹵簿。鹵櫓也。兵衛以甲楯居外爲前導皆著之簿故曰鹵簿。漢有甘泉鹵簿應邵有漢官鹵簿圖大駕備千乘萬騎屬車八十一乘五營填衛仲師注宮正曰若今時衛士填街蹕也。祠宗廟用小駕減損副車後漢

得公孫述替師樂器葆車諸物始備。晉增流蘇馬跡禽鑿臚斧之類。唐宋相沿。代有增飾。侍中版奏中嚴外辦鼓三嚴其志乃詳可考也。元之輿服乃以漸改。究亦虛文。仍以笠騎爲僂耳。升菴以鹵爲鑪。謂鑪香導引爲鹵簿。其說曲矣。今時曰鸞駕有庫錦衣衛供掌紅盛大漢將軍一駙馬都尉一侯伯領之。如誕馬扇簋附此餘俱附器用類。

扇簋言以扇蓋爲簋也。○駕頭之後有繡扇緋羅繡曲蓋俱內臣馬上執之。謂之扇簋。在細仗前一云在乘輿後。嘉祐六年中丞韓絳請以閣門祇候內侍各二員挾駕頭左右。次扇簋又以皇城親從其後。駕頭乃初卽位之御坐也。三朝志七寶牀一覆

以緋羅繡帕內臣馬上捧之謂之駕頭孫愐云簀車籃也唐韻
曰一名笑笑音替張瑤星曰今有阜影者每常朝在御座傍內
藏三双外以黃紗護之形如紈扇有機可施遇大風則徹之此
前代所未有

但馬遂名誕馬○誕馬散馬也江夏王義恭傳平乘誕馬不過
二唐有紫誕帶不知誕何義也今外官儀從皆有散馬前行名
曰座馬亦曰引馬程氏演繁露曰王義恭言誕馬猶言徒馬也
西陽雜俎齊迎南使傳詔二人騎馬荷信在前罩繖絳衫引從
但馬在車後王瓊以誕馬并乘鞍與太保則知誕馬卽但也淮
南媒但卽誕字王元笑引大昌作祖馬謂其非是按大昌所載

原不作祖遼史作鞅馬注卽誕馬

雙引者二朱衣人引馬也重金者金帶懸魚也○東軒筆錄學士一人引馬帶用金而無魚至入兩府則雙引重金石林燕語學士止賜御仙花帶而不佩魚元豐制行學士得佩魚故蘇軾謝學士表云玉堂賜篆寶帶重金

狨坐以金絲狨飾鞍坐也○石林燕語狨坐不知其始太平興國中詔商庶許乘烏漆素鞍不得用狨毛煖坐天禧中定自中書舍人節度以上方許用老學菴筆記言墨敕盛行有視待制者晁叔用以視待制可對如夫人往往賜金帶然猶不敢坐狨故當時謂橫金無狨鞵與閣門舍人等耳相如賊蛭蝟獮獠顏

師古注曰。今狨皮爲鞍褥者。狨一名猼。謂之金線狨。則唐時已用此狨坐矣。

今之貼黃。乃古之引黃。○唐制詔敕有更改。以紙貼之。曰貼黃。葉石林曰。今劄子皆白紙。揭其要。以黃紙別書。謂之貼黃。失之矣。其表章略舉事目。見于前封皮者。謂之引黃。今時卽以引黃爲貼黃。而並不用黃紙。李肇曰。帖黃。或曰押黃。龍川志曰。富鄭公上章貼黃。言臣與韓琦言。不當起復。是以引黃爲貼黃也。江隣幾襍志曰。貼黃上。更加撮白。

引嗶。卽騶唱也。○梁制令僕中丞各給威儀十人。戎冠絳鞬。皆呼入殿。引嗶至堦。一人執儀囊不嗶。嗶音橫。類篇曰。喧也。以七

人同聲唱導也。程泰之言令僕中丞騶唱得入宮門。朱仲遠諸
準朝式在軍鳴騶。宋謂之喝。又曰腰喝。

催酒。一作靡酒。卽催酒也。元有喝盞之儀。○李涪刊誤言靡酒

三十拍。促曲名三臺。靡合作啐。蓋送酒也。資暇錄言與涪同。程

大昌言內燕抗聲索樂。但云靡音催酒。字書靡屈破也。當是啐酒

之轉。名賢詩話。王仁裕詩。芳尊每命管絃催。又趙勰交趾事跡。

言催酒逐歌。可知催酒乃唐人熟語。宋相沿不改也。義當用催。

而別作靡催。何必強引啐字。三臺者。作樂時。部首拍版三聲。然

後管色振作。李濟翁以爲鄴中三臺。劉公嘉話言高洋築三臺。

愚謂乃曲名耳。陶九成曰。宴饗一人執拍版。贊曰。幹脫。執觴者

和之。曰打彌。則節一版而衆樂皆作。謂之喝盞。別奏曲則曰謁盞。

鞞鞋白事中書。此學士躡履禮也。○夢溪曰。學士舍人躡履見丞相用平狀扣堦乘馬。近歲多用靴簡。東軒筆錄曰。故事學士白事于中書。皆公服鞞鞋。章惇直院。人皆鞞足秉笏。而惇散手繫鞋。忽行此禮。中丞鄧綰怒之。

壓角。隅坐也。○裴廷裕東觀奏記曰。令狐綯舉裴坦知制誥。故事謁謝丞相畢。僂于本院上事。四輔送之。施一榻。壓角而坐。程泰之曰。此卽壓角故事。以今按之。是名僂坐。猶今之都察院之僉都坐法也。宋次道云。舍人上事。紫褥面北拜廳角。閣老立褥

之東北隅曰壓角。五代會要言所存壓角之禮。則是次道所言也。

懷宴物歸。起于唐。○子淵曰。廷宴餘物懷歸。起于唐宣宗時。宴百官罷。拜舞遺下果物。怪問。咸曰。歸獻父母。及遺小兒。上敕大官今後大宴。給食兩分與父母。別給果子與男女。所食餘者。聽以帕子懷歸。洪武賜宴。謹身殿東西廡。有大宴中宴常宴小宴。嘉靖有官殿落成書成之宴。大宴御午門。百官席列椽棚前墀中。宴畢頂門行禮。長班各持其牲脯。經筵賜宴內廊。日講不設。召對先賜茶食。猶唐宋廊餐也。若宴宰執于御苑。大誥言君臣用遊。發爲咏歌。後有召宰輔乘馬入。并其金爵賜之。此倣祖宗

朝之曠典也。

納幣笄實有膠漆九子之稱。今猶古也。○遯園曰：金陵人家行聘禮，行納幣禮，其笄盒中用柏枝及絲線絡菓作長串，或剪絲作鴛鴦，又或以糖澆成之。又用膠漆丁香粘合，絲絨結束。或用萬年青草、吉祥草相詔爲吉慶之兆。攷通志婚禮：後漢之俗，聘禮三十物，以玄纁、羊、鴈、清酒、白酒、粳米、粬米、蒲葦、卷柏、嘉木、長命縷、膠漆、五色絲、合驪鈴、九子墨、金錢祿、得香草、鳳皇、舍利獸、鴛鴦、受福獸、魚、鹿、烏、九子婦、陽燧、鑽。凡二十八物。又有丹爲五色之榮，青爲東方之始。其三十物皆有俗儀，不足書。按此則今俗相沿之儀物，固有所自來矣。西陽雜俎言納采九事，曰合驪。

曰喜禾。曰阿膠。曰九子蒲。曰朱葦。曰雙石。曰綿絮。曰長命縷。曰乾漆。九事皆有詞。各有取義。智又按器之追乳者。皆言百子。至今尚百子杯。楓窻小牘。言百子帳。捲柳爲圈。相連瑣。百張百闔。演繁露。言唐大婚有百子帳。今其制如穹廬。

通雅卷之二十九

桐山方以智密之輯著

同里姚文燮經三較訂

樂曲

詩三百篇皆樂也。正調卽雅樂也。樂不過高下疾徐中節而已。
○五經無樂。獨以樂記當之乎。記曰誦詩三百。歌詩三百。絃詩
三百。舞詩三百。周禮大師以教國子。內則十三學樂。誦詩舞勺。
成童舞象。春秋大夫賦詩諭志。猶遺風也。孔子修之以教弟子。
取瑟及琴。造次不輟。故晏子有繁絃歌鼓舞以聚徒之譏。子曰。
興于詩。立于禮。成於樂。六經遺三。何哉。蓋以書治政事。春秋操

是非易窮神化。若自成童庶士。刻不相離。而泯于日用。薰陶鼓舞。則詩禮樂最切。而已藏易書春秋矣。教鯉學詩禮。而樂亦藏矣。小子何莫學夫詩。而禮樂亦藏矣。鄭夾漈曰。魏得漢雅樂。卽杜夔。僅能歌文王鹿鳴。騶虞伐檀。太雅惟存鹿鳴。至晉又亡。漢有齊魯詩。毛注鄭箋。皆言義。不知音。六亡詩。所謂笙詩。束皙補之。不亦贅乎。鄒肇敏曰。南陔卽天保。白華卽頌弁。華黍卽常棣。由庚卽瓠葉。崇正卽伐木。由儀卽菁莪。亦一臆耳。愚者曰。雅樂拘于漢宋之泥說。終已不復。而學者無以節宣。拘則疲循。局則大潰。愈溺于淫靡之俗樂矣。楊椒山告韓苑洛。其槩也。夫元聲。冑統也。節奏樂器。實事也。聲之中節。本自易簡。不過高下疾徐。

錯綜而合節奏爲調法耳。十五字七調五音三等不能違也。較今俗樂側調低二字爲正調。卽雅矣。管色均絃人聲依律。唐之絕句皆入樂府。理學歌詩。林希恩歌學譜止執一法。是則三百篇不必旋十二律。非拘而何。聲音之故。微至之門。律度出于河洛。而未觀其通。視故所以節奏。而不知其用。又何言哉。黃鐘損益猶之人身兩乳之尺度。各自爲短長。而不差者也。必待截管候氣乎。倫論天然不限古今。惟神解者乃可與言。

律呂子短午長者表陰陽升降也。以九寸損益者表數度也。葭灰緹素候十二月之中氣也。不符寒暑消息者不可用也。○黃帝使伶倫斷嶰竹吹之。爲黃鐘之宮。呂覽以黃鐘三寸九分。故

含少論因之。自史遷志律。以黃鐘爲九寸。蔡氏新書曰之。老父
曰。下生倍其實。三其法。上生四其實。三其法。不過陰佐以倍。陽
佐以四而已。倍卽三分損一也。四卽三分益一也。六陽辰當佐
自得。六陰辰則居其衝。其林南應三呂在陰方。數無所改。其大
夾中三呂在陽方。則用倍數。蓋陰從陽也。子寅辰午申戌爲陽。
餘爲陰。而子至巳。又爲陽方。午至亥。又爲陰方。故志以六陽下
生。六陰上生。而鄭蔡以蕤賓生大呂。日爲上生。正此故耳。知戊
數爲黃鐘之絲。則知範疇之五十三萬一千四百四十一。乃黃
鐘之忽數也。參分損益。至中呂生子。爲二十六萬二千一百四
十四。旣適符律兩之四。又符十八變爻之數。豈偶然哉。西山曰

鄭玄言分寸審度之法。遷以損益而假設權制也。學者當知聲數之理。非獨爲管設也。參天兩地。其能外乎。陳氏曰。六律呂。是候氣管名。以候氣。則陰陽升降也。寒暑必漸增減。氣出必冬至短。夏至長。故李文利主黃鐘三寸九分含少之論。以黃子蕤午爲經。十律爲緯。三十九分者。黃鐘陽始也。四十八分大呂。五十七分大族。六十六分夾鐘。七十五分姑洗。八十四分仲呂。九十分者。蕤賓陽極也。八十一分林鐘。七十二分夷則。六十三分南呂。五十四分無射。四十五分應鐘。子午天地之中。左右升降不能過也。紀陽不紀陰。故于蕤下六律。不言陰之生。但紀陽之降耳。一百二十九分者。黃三十九。蕤九十分之合也。凡衝皆然。旋

則流行以三因之律皆三也。以九因之律皆九也。瞿九思畧更定之。智按此猶先天圓圖也。均則皆均。攤派可也。其言清濁原可互更。猶內經脈與叔和脈也。候氣說見班志。埋管子密室三重之內。實以葭灰。言輕也。覆以緹素。紗蒙管口也。王肅魏臺訪議曰。杜夔制律呂候氣。灰悉不飛。沈括言冬至陽氣距地面九寸。正月自太族八寸達此臆也。且問十月應鍾管四寸一分半。何以忽接十一月之九寸乎。試令各地多截管驗之。舊說必不合矣。太史公曰。細若氣。微若聲。聖人因神而存之。雖妙音眇必効。總言其理耳。其所列則損益數之度也。辟如後天八卦。尚有先天八卦在。王少夫曰。黃鐘九寸。當其三寸九分。開孔得聲爲始。

史愚甫云。黃鐘不爲諸聲後。此迂極矣。五音在每調中。皆迭相錯綜者也。智謂古定黃鐘。猶均鐘木也。猶梁之十二飲也。故曰不爲諸律役。存中亦言十六聲。不用老黃鐘是也。今古尺殊。要于至理。各自爲度。如今之簫。三倍于黃鐘。卽以今簫爲九寸。其孔亦自爲度。猶琴絃之度也。一說十二辟卦陽九陰六自合九寸七始。七音之始也。○漢律歷志書曰。予欲聞六律五聲八音七始。詠以出納五言。女聽。今本七始詠三字。作在治忽。安世詩七始華始。注曰七者。天地四時人之始也。升菴七始之詠。謂宮商角徵羽。變宮變徵也。汗簡隸作夾始。古七篆作𣎵。𣎵與夾似。故訛耳。智按隋志鄭譚曰。周有七音之律。黃鐘林鐘太簇爲天地

人之始。姑洗蕤賓南呂應鐘爲春夏秋冬之始。智嘗攷之。黃生
林太南姑。而數三分餘一。故止五。環圖觀之。各閒一律。而林去
姑。南去黃。皆二律。故姑復生應。生蕤。而始均。故樂元曰。五均。而
鮑業曰。旋宮以七聲爲均。樂文章諧曰。旋宮以明均律。迭生二
變。方協七音。乃以變徵之聲。循環正徵。復以變宮之律。廻演清
宮。其變徵以變字爲文。其變宮以均字爲諧。唯清之一字。生自
正宮。倍應聲同。終歸一律。雅樂成調。無出七聲。咸施十二均。備
八十四調。約曰。宮商角變徵羽均。蔡氏均作閏。陳鵬菴以等韻
來日爲半喉舌。智謂亦變徵變宮之幾驗也。琴增二弦曰少宮
少商。亦變均用七也。五音統于宮。而備于商。人稱五音。而曰宮

商者猶稱平上去入而止曰平仄也商徵相通幾可推矣周禮三樂禮天地人無商者祭尚柔商尚剛卯唐楊收曰商聲剛二少聲下所以取其正裁其繁此皆牽合蓋不用商而商通于徵卽角徵羽皆商也別有清樂曰清商曲辭豈廢角宮徵羽哉明于律娶妻呂生子之說者是又在易之十二辟卦圖矣究竟七音止用五亦無定名詳見別論

九招猶九奏也九奏一作九族雲翹雲招也招固樂之通名也○九磬卽九韶也一作九招元命包曰舜之民樂其紹堯之業九磬之樂周禮大司樂舞大磬樂記注韶之言紹也尚書大傳曰招樂興于大麓之野報事還歸二季譏然乃作大唐之歌招

爲賓客雍爲主人始奏肆夏納以孝成皆樂章名也又曰元祀
代泰山貢兩伯之樂焉東嶽陽伯之樂舞株離其歌聲比余謠
名曰皙陽儀伯之樂舞鬻哉其歌聲比大謠名曰南陽中祀大
交霍山貢兩伯之樂焉夏伯之樂舞謾或其歌聲比中謠名曰
初慮義伯之樂舞將陽其歌聲比大謠名曰朱于秋祀柳穀莘
山貢兩伯之樂焉秋伯之樂舞蔡俶其歌聲比小謠名曰苓落
和伯之樂舞玄鶴其歌聲比中謠名曰歸來幽都弘山祀貢兩
伯之樂焉冬伯之樂舞齊落歌曰縵縵并論八音四會貢正聲
而九族具成此文上下有脫辭族與奏通大簇音奏可證若分
九奏當九韶名則少其二矣竹書曰夏后啓舞九韶帝王世紀

啓升後十季舞九韶山海經云夏后開得九辯九歌以下始歌
九招之聲于大穆之野禹命登扶氏爲承夏之樂史記言禹興
九招之樂周禮曰六代之樂黃帝曰雲門大卷堯曰大咸舜大
磬禹大夏湯大濩周大武以樂舞教國子也墨子言湯循九韶
呂覽亦曰湯有晨露九招六列之樂可見夏商之樂皆有招名
九韶猶九奏也故周禮別舜樂爲大磬白虎通曰舜樂爲簫韶
說文曰舜樂名箛韶尚書大傳所引之名皆樂曲之別名也祈
招雲翹皆韶也孔光傳奏諸族樂人兼雲招給祠南郊用六十
七人不可罷注招與翹同則後志八佾舞雲翹之舞亦當讀作
韶矣後來如陳以韶名樂唐文宗改法曲爲仙韶曲李固言傳

通雅
卷之三十六
節度西川以雲韶雅樂卽臨臬館送之宋開寶中平嶺南擇廣州內臣教坊習樂賜名簫韶部雍熙改雲韶部雖倣古取名然要之韶實通名也

圻招卽祈招○子貢詩傳小正傳第二章有圻招祭公諫穆王申培詩說曰穆王西征七萃之士咸怨祭公謀父作圻招以風左傳作祈招招音韶

文始漢之招也○漢文始五行舞本舜招樂也高祖六季夏名曰文始示不相襲也昭客樂禮容樂亦六季作昭客猶古昭夏也牛弘曰昭客生于武德舞禮容生于文始舞矯秦之五行舞也秦始皇二十六季夏周舞名曰五行魏文侯最好古孝文時

得其樂人竇公獻其書。乃周官大宗伯之大司樂章。成帝時。河間獻王作樂記。獻八佾舞。與制氏不相遠。漢志漢興。有制氏世世在大樂官。但能紀鏗鏘鼓舞。不能言其義。叔孫通因之。制宗廟樂。迎神奏嘉至。入廟奏永至。爲行步之節。猶采齊肆夏也。乾豆上奏登歌。不以樂器亂人聲。猶古清廟之歌也。再終下奏休成之樂。皇帝就酒東箱。坐定奏永安之樂。

陔卽祓祓樂。賓出奏也。○笙師掌教敔。竽。笙。塤。箛。簫。簴。箎。篳篥。管。春牘。應雅。以教祓祓樂。注祓夏之樂。賓醉而出。奏祓夏。杜子春曰。祓讀如陔。鼓之陔。儀禮鄉飲酒鄉射。正作陔。困學紀聞。以南陔亦爲祓。東哲之補迂矣。祓夏在九夏之中。鐘師掌金奏。王夏。肆夏。

昭夏。納夏。章夏。齊夏。旌夏。祓夏。驚夏。其三夏者。大司樂出入奏
王夏。尸出入奏肆夏。牲出入奏昭夏。穆叔曰。三夏。天子所以享
元侯也。與此不相蒙。杜預云。九夏之二曰肆夏。一名樊。三曰韶
夏。一名遏。四曰納夏。一名渠。擊鐘而奏此三夏曲。又肆夏。文王
鹿鳴。俱稱三。謂其三章也。國語曰。金奏肆夏。繁遏渠。天子所以
享元侯。所謂三夏。呂叔玉曰。肆夏。繁遏渠。皆周頌也。肆夏。時邁
也。繁遏。執競也。渠。思文也。觀元凱所引。韶夏。卽昭夏。樊。卽繁也。
呂叔玉又以繁遏爲一章。又以執競爲執競。當時各有見本
階步。齊梁之祓也。○齊有前後舞。階步歌。隋志曰。樂舞出入皆
奏曰階步。階卽陔字。

房中之樂。奏于堂上之房也。○周有房中樂。至秦名壽人。高祖樂楚聲。房中樂楚聲也。惠二季令夏侯寬備簫管。名曰安世樂。蓋殿自有房中。不盡指后妃之事。周禮注與通志所說皆泥矣。王粲所作登歌安世詩。專以思詠神靈及鑒享之意。不及后妃。正始之說。

縵樂。雜樂也。○哀帝罷樂府。有縵樂鼓員十三人。蓋猶周之縵樂也。磬師祭祀奏縵樂。注。縵樂謂雅聲之和樂者也。疏謂襍弄調和。鐘師奏蕤樂。掌鼙鼓縵樂。蓋作縵樂。擊鼙以和之。學記曰。不學操縵。不能安弦。是襍弄調和也。

大予。漢樂名。因以名官。○蔡邕禮樂志曰。漢樂四品。一曰大予。

樂典郊廟上陵殿諸會舉。二曰周頌雅樂典辟雍饗射六宗社稷之樂。三曰黃門鼓吹天子以燕樂群臣。四曰短簫鐃歌軍樂也。卽周官之凱樂本之于黃帝岐伯者也。宋志章帝元和二年宗廟樂故事會舉有鹿鳴承元氣二曲。三季自作詩四篇。一曰思齊皇姚。二曰六麒麟。三曰竭肅雍。四曰陟叱根。陟叱根一本云涉叶相合。前共六曲。以爲宗廟會舉。加宗廟重來上陵二曲。合八曲。爲上陵會舉。減承元氣一曲。加惟天之命。天之曆數二曲。合七曲。爲殿中御飯會舉。又大樂十三曲。魏時省遠期。承元氣海淡淡三曲。皆大予樂官掌之。後漢依讖改大予之名。大鈞。魏樂也。○古樂之存者。至魏猶有鹿鳴騶虞。伐檀。文王四

曲皆古聲辭。魏成平荊州。獲雅樂。即杜夔。故始設軒縣。及太和中。左延季改夔騶虞。伐檀。文王三曲。要自作聲節。惟鹿鳴不改。每正旦大會。太尉奉璧。君后行禮。東廂雅樂。常作者是也。後又改三篇。曰於赫。曰巍巍。曰洋洋。以當鹿鳴騶虞文王。而除古伐檀。此鄭渙仲之所嘆也。

四會上壽曲也。○杜佑曰。漢故事。上壽四會曲。有鐘鼓。無歌詩。孔光奏有齊楚巴鈔四會員。韋昭云鈔國名音姚魏初作四會。有琴筑。無

詩。雅樂郎郭瓊云。青龍二季以長笛。會舉第十二。古大置酒曲。代四會。又易古詩名曰羽觴行。用爲上壽曲。鹿鳴以下十二曲。名會舉樂。而四會之曲遂廢。

有鼓吹。有騎吹。有雲吹。其曰橫吹。鼓吹之一奏也。○建初錄曰。列于殿廷者。名鼓吹。列于行駕者。名騎吹。水行謂之雲吹。又曰。其鼓吹。陸則樓車。水則樓船。在庭則以簨簴爲樓。朱鷺臨高臺。諸篇鼓吹也。務成黃雀。則騎吹也。水調河傳。則雲吹也。今樓船所吹。名曰河調。卽水調也。總謂之鼓吹。吹去聲。漢有鼓吹。橫吹諸曲。古今樂錄曰。橫吹。塞樂也。張騫入西域。傳其法。摩訶兜勒一曲。李延季因之。夏造新曲二十八解。乘興以爲成樂。後漢以給邊將。萬人將軍得之。智謂橫吹本因長笛以名。笛夏因篴生。亦未必出于篴也。或其曲調有自羌傳者。唐儀衛志鼓吹五部。曰鼓吹。曰羽葆。曰鐃吹。曰大橫吹。曰小橫吹。共七十五曲。曲名

有元麟合。邏元咳。大至遊。渙陽單。搖等。其長鳴中鳴。一曲三聲。則今之號通。與大感築也。二者以代角與筚。筚一作箠。唐之橫吹。用角笛。簫。筚。感。築。桃皮六種。則橫吹或始以笛名。今云橫吹曲。則不專爲笛矣。大昌曰。宋有六州歌頭。本鼓吹曲也。多以古今興亡事填詞。非豔詞比。

穆護。煞西曲也。○樂府有穆護沙。升菴曰。隋朝曲也。與水調河傳同時。皆隋開汴河時作。其聲犯角。至今訛沙爲煞云。智見唐有大秦穆護祆。从音天軒僧二千餘人。今以曲名。蓋西方之音。如伊州曲。梁州曲也。墨莊漫錄曰。蘇陰和尚作穆護歌。又地里風水家。亦有穆護歌。皆以六言爲句。而用側韻。黃魯直云。黔南巴夔

閒賽神者。皆歌穆護。其畧云。聽唱商人穆護。四海五湖曾去。因問穆護之名。父老云。蓋木瓠耳。曲木狀如瓠。擊之以節歌耳。西溪叢語曰。劉夢得刺夔州。有牧護詩。以賽神。唐樂府有牧護曲者。其始起火祆。穆護而蘇溪作歌。正謂旁門小道。以爲戲也。智按。兩說皆非。沈寵綏論。北調失之江以南。當畱之河以北。乃歷稽彼俗所傳。大名之木。魚兒。彰德之木斛沙。陝右之陽關三疊。東平之木蘭花慢。已莫可得而問也。智按。木斛沙卽穆護沙。始或以賽火祆之神起名。後入教坊樂府。文人取其名作歌。野人歌以賽神。樂人奏以爲水調皆可。樂曲必煞。煞訛爲沙。而升菴反謂沙訛爲煞。

唐有十部樂。有兩部樂。有四部樂。○唐仍隋九部樂。一謨樂。二清商。三西涼。四扶南。五高麗。六龜茲。七安國。八疎勒。九康國。會要通典所載如此。志無扶南。有天竹。伐高昌。收其樂。付太常。增爲十部。杜佑曰。樂用鐘磬。祝敔。晉鼓。節鼓。琴瑟。箏。筑。竿。笙。簫。笛。箎。塤。鐃。鐸。撫。拍。舂。牘等。謂之雅樂。惟郊廟元會冬至及冊命大禮。則辨曲度章服。而分始終之次。祖孝孫。呂才。張文收等。定爲十二和。以和爲名。開元又造祇和。豐和。宣和。共十五和。清商伎。有編鐘。編磬。獨絃琴。擊琴瑟。秦琵琶。卧篳篥。筑。箏。節鼓。皆一笙。箔。簫。箎。方響。跋膝。皆二。歌二人。吹葉一人。舞四人。并習巴渝舞。天竹伎。有銅鼓。羯鼓。都曇鼓。高麗伎。有彈箏。鳳首。篳篥。龜茲伎。

琵琶五弦。設五方師子。平高昌。有笙篴。銅角琵琶。五弦。橫笛。簫。感篴。答臘鼓。腰雞婁羯鼓。玄宗時分爲二部。堂下大奏曰大部伎。堂下坐奏曰坐部伎。裴瑾爲太常主簿。作坐大二部伎圖。俗樂之調。有七宮。七商。七角。七羽。合二十八調。而無徵調。劉琚太樂令璧記曰。自周隋以來。管弦襍曲數百。多用西涼樂。鼓舞曲多用龜茲樂。惟彈琴家。猶傳楚漢舊聲。及清調瑟調。蔡邕襍弄。藝文志。崔令欽教坊記一卷。固其盛也。其謾樂。張文收所作。又分四部。崔郊傳大閱四部樂。都人縱觀。聖壽樂。或后所作。行列成字。韋皋所獻亦如之。五方師子。有十二人。紅拂紅袂曰師子郎。太平破陣樂用之。此隋唐襍用雅俗大略。謹撮其槩于此。

十二和旋宮也。○旋宮久喪。漢章時鮑業請用累代黃鐘一均。變極七音。則五鐘廢不擊。曰啞鐘。祖孝孫張文收造十二和樂。合四十八曲。八十四調。王朴曰。唐初雖有旋宮。而用曲與禮文相違。庶孝孫是。建隆竇儼等改十二順爲十二安。乾德用雅樂登歌二舞是也。和峴曰。西京銅望臬可校古法。取王朴所定尺校之。短于古尺四分。于是內出上黨羊頭山柰黍。累尺校律。重造十二律管。元符吳雍劉几等言。太常鐘樂凡三等。曰王朴樂。曰李照樂。曰胡瑗阮逸樂。朴音大高。照下一律。胡阮比朴微下。以鑄鐘成。或疑其聲舛鬱。遂不用。臣請下王朴二律。以定中和之聲。卽用李照樂。加四清聲。而奏樂成。初范鎮與几同定樂。鎮

曰必求真黍。及詔賜賚。鎮曰此劉几樂也。臣何與焉。元祐之樂乃鎮定也。

聲飲以聲相轉而合也。○梁成善鐘律。自制四器。名之爲通。每通施三弦。因以通聲轉。推月以寫通聲飲。蓋樂有飲聲。隨其聲酌其清濁高下也。鄭譯因琵琶九調。以其所捻琵琶弦柱相飲爲七均。

側調。側出諸調也。○唐志言瑟工傳楚漢舊聲。及清調琴調。蔡邕五弄。楚辭四弄。謂之九弄。楊收曰。琴通黃鐘姑洗無射三均。側出諸調。宋書曰。第一平調。二清調。三瑟調。四楚調。五側調。文選謝靈運樂府注三調。清平側也。馬少良琴譜三均。以姑洗爲

中呂。

系聲樂府。以聲言樂也。○鄭樵著紹興系聲樂府三百五十一曲。系風雅聲八十四曲。系頌聲百二十曲。系別聲四百十九曲。系遺聲。崔豹以義說名。吳兢以事解日。然樵亦終不能知樂也。唐志有吳兢樂府古題要解。郝昂樂府題解。段安節樂府雜錄。元稹序樂府古題。劉次莊。郭茂倩皆有樂府集。晁公武志取古今樂府分二十門。梅禹金古樂苑正依晁氏與左克明自芳樹石流諸饒歌及蜨蝶行拂舞巾舞諸篇皆不可句讀。聲詞合錄其說或然。六朝擬者作六朝詩。唐擬者作唐詩。嗟峒滄溟。揣摩彷彿。詩家藉此以自熟其風度耳。必曰我知其聲。豈不誣哉。李

東陽樂府。直是唐長短句行。若言入樂。不如填詞。
黃淡思。估客樂也。○樂府有黃淡思。古今樂錄。但釋思爲相思
之思。引李延平橫吹有黃覃子。此非也。智按齊武帝作估客樂。
使釋寶月。被之管弦。數乘龍舟遊江中。以紅越布爲帆。綠綵爲
帆。緯。鍤石爲篙。足篙榜者。悉著鬱林布。作淡黃袴。舞此曲。用十
六人。今黃淡思曲。有曰江外何鬱拂。龍舟廣州出。象牙作帆牆。
綠系作幃緯。正相符合。言廣州出者。皆廣貨也。

蹋歌。蹋地爲節也。○升菴引戚夫人侍兒賈佩蘭。歌上靈之曲。
連臂蹋地以爲節。蹋丑犯切。踏地歌也。揚雄賦。蹋淒秋。發陽春。
智按孫愐收蹋字。蹋乃蹋訛耳。襄陽白銅鞮。一作蹋銅蹄。劉賓

客嘉話錄云。踏搖娘曲。乃踢地搖身而歌。因名踏搖娘。唐閭知微與突厥默啜連手。踢萬歲樂于城下。陳令英在城上曰。尚書爲戎蹋歌。李太白詩。忽聞岸上踏歌聲。是也。踏踢一字。唐志又有葱嶺西曲。士女蹋歌爲隊。蹋亦踏也。

道調。林鐘宮也。○唐高帝製道調。自以李氏老子之後也。會安林鐘宮。世號道調道曲。唐俗樂二十八調。有道調。屬七宮也。

玉宸宮。涼州曲也。○西涼獻樂。其聲本宮調。有大遍小遍。貞元初。樂工康崑侖。寓其聲于琵琶。奏于玉宸殿。因號玉宸宮調。合諸樂。則用黃鐘宮。有滾遍。是大遍小遍之遺。王灼曰。霓裳羽衣道調也。今存瀛府獻仙音二曲。王建詩有風聲水聲之句。永叔。

不解。蔡條曰：唐西域記：龜茲王與知音者，大山間聽風水聲，後翻入中國。沈括言：蒲中逍遙樓上有霓裳譜。

和聲，卽纏聲也。又有嘌唱，有敦，有掣，有住。○古樂府有聲有辭，連屬書之，如曰賀賀賀，何何何之類，皆和聲也。今管弦之中，纏聲是其遺法。補筆談又言有三聲：曰敦，曰掣，曰住。智以敦猶今之頓也，掣言掣起高也，住言停聲待節奏也。演繁露曰：卽舊聲而加泛灑者，名曰嘌唱。讀之如飄。玉篇：嘌字，音飄。引匪車嘌兮，嘌嘌無節度也。此正謂掣起聲耳。水經注：高漸離擊筑，宋如意和之，爲壯聲、哀聲。

羅噴猶來羅也。○雲溪友議曰：元公贈採春曰：選詞能唱，望夫

歌卽羅唢之曲也。唢音烘。上聲。金陵有羅唢樓。乃陳後主所建。宋以後俗曲有來羅之詞。又言劉採春女周德華羅唢之歌。不及其母。晉庾指鎮歷陽人歌曰。重羅黎。重羅黎。卽來羅之聲也。今京師以小曲數落爲倒喇。亦囉唢類。

陽關四疊亦三疊也。○仇池筆記曰。陽關三疊。每句皆平唱。而首句不疊。若通一首。又是四疊。皆非是。又志林曰。余在密州有文勛長官云。得古本陽關。乃知唐本三疊。偶得樂天對酒云。相逢且莫推辭辭。聽唱陽關第四聲。注第四聲。勸君更盡一杯酒。以此知之。又按澠水燕談曰。歐公守滁。僧智仙作亭。沈遵以琴寫之。爲宮聲三疊。可知古無不三疊者。自唐以絕句入樂府。第

通雅
三第四二句合爲一疊。此三疊也。至每句再唱。此複聲。乃名爲疊。安得曰每句再疊乎。然或各方變換。未可知也。如今土歌。亦有作四者。亦有用五句者。

樂府有解。有豔。有趨。有亂。○古今樂錄曰。傖歌以一句爲一解。中國以一章爲一解。王僧虔曰。古曰章。今曰解。大曲有豔。有趨。有亂。豔在曲前。趨與亂在曲之後。亦猶吳聲西曲。前有和。後有送也。升菴以豔與和爲今之引子。趨與亂與送若今之尾聲。羊優夷。伊那何。若今之哩囉哩。唵唵吽也。智謂豔是引子。宋元時詩餘。今皆作引子數版歌之。一曰慢詞。吳音之和。正如今曲前。先作和合之譜。如彈弦作馬道人。使三弦提琴合拍。然後度曲。

也。趨者繁版。所謂繁弦激管也。中或變。謂之入破。琴謂之入慢。皆古亂之遺也。尾聲亦必入慢而收。但只三二句。北曲有多句曰煞尾。與古曲後。仿佛應不相遠。升菴曰吳趨。趨去聲。孫氏賦哀曼。亦謂慢聲也。客座贅語載顧仁所言歌章色。正謂慢詞。曲亂卽曲引。○文選笛賦。曲亂之繁會。卽曲引。京山謂鹵勝。皆引。亂則不必失。引與亂通。又轉爲豔。又轉爲鹽。詳左。

鹽卽曲之此也。○丹鉛餘錄曰。鹽曲之別名也。智按禮曰。鹽諸。與豔。一。明初。行曲引之類。正是曲前之豔。但歌此曲。不定爲前曲。如九宮譜之所謂慢詞也。唐宋以來。直作鹽。或以豔。之。既與豔通。則豔亦有平聲矣。京山謂鹽。諸利爲。

鹽之語。鹽。近亦自費力。又無別證。則不知古鹽豔之相通也。鹽。按。宋。人。司。有。不。其。近。有。小。天。疎。勒。鹽。疎。勒。有。昔。昔。鹽。一。臺。鹽。之。類。容。齋。詩。集。卷。四。薛。道。衡。空。梁。落。葵。泥。之。句。其。詩。曰。昔。昔。鹽。凡。十。四。章。之。類。之。爲。三。十。章。按。樂。苑。以。爲。羽。調。曲。玄。怪。錄。載。龜。條。三。通。正。也。鳴。鹽。近。有。笑。厥。鹽。黃。帝。鹽。白。鴿。鹽。神。雀。鹽。疎。勒。滿。座。鹽。歸。國。鹽。唐。詩。婦。親。吳。娘。唱。是。鹽。夏。奏。新。聲。刮。骨。鹽。然。則。歌。詩。之。類。若。如。吟。行。曲。引。之。類。云。今。南。皇。廟。獻。神。曲。有。黃。帝。鹽。而。長。沙。志。載。黃。帝。炎。按。施。肩。吾。詩。云。顛。狂。楚。客。歌。成。雲。嫵。婦。吳。娘。笑。是。鹽。蒼。宮。詩。語。也。或。璽。時。民。飲。歐。歌。曲。終。而。不。盡。者。謂。之。族。鹽。王。灼。碧。雞。雜。志。鹽。角。兒。嘉。祐。雜。志。云。梅。聖。

俞說市鹽于紙角得一曲此非也蓋仍從曲艷得名猶云鹽杖鼓耳元陶宗儀載樂府拴搐艷段如鞍子艷蠻子艷之類不知爲古曲蒨之艷唐之鹽而強改燄段曰如火燄易明而易滅也一何陋邪母乃借西擊東以雪鬱邪

摘遍猶今之滾遍也大遍猶古之滿曲也○存中曰元稹建昌宮辭有逡巡大遍涼州徹所謂大遍者有序引歌瓠唯哨催擷袞破行中腔踏歌之類凡數十解每解有數疊者裁截用之則謂之摘遍今人大曲皆是裁用悉非大遍也王灼碧雞漫志言史及勝說云涼州有大小遍非也大曲有二十四段管絃家不肯從首至尾吹彈今人以爲全套周密宮禁典儀言樂部諸色

段數有新水爨孝經備衣爨瑤池爨早行孤迓行孤睡孤又有四孤好四孤插服藥酸濫孝負酸單堯雙搭諸名

十二月按律樂歌卽取諸唐俗樂二十八調中也○按律樂歌曰正月太簇本宮黃鐘商俗名大石如萬季春之類二月夾鐘本宮俗名中宮如玉街行三月姑洗本宮大簇商俗名大石如賀聖朝四月仲呂本宮無射徵俗名黃鐘正徵如喜昇平五月蕤賓本宮姑洗商俗名中管雙調如樂清朝六月林鐘本宮夾鐘角俗名中呂角如慶皇都七月夷則本宮南呂商俗名中管商角如永太平八月南呂本宮南呂宮俗名中管仙呂如鳳皇吟九月無射本宮無射宮俗名黃鐘如飛龍引十月應鐘本宮

姑洗徵。俗名中呂正徵。如龍池宴。十一月黃鐘本宮。夷則角。俗名仙呂角。如金門樂。十二月大呂本宮。大呂宮。俗名高宮。如風雲會。唐俗樂二十八調。曰正。曰高。曰中呂。曰道調。曰南呂。曰仙呂。曰黃鐘。是爲七宮。曰越調。曰大食調。曰高大食調。曰雙調。曰小食調。曰歇指調。曰林鐘。是爲七商。曰大食。曰高大食。曰雙。曰小食。曰歇指。曰林鐘。曰越。是爲七角。曰中呂調。曰正平調。曰高平調。曰仙呂調。曰黃鐘。曰般涉調。曰高般涉。是爲七羽。唐樂志。俗樂二十八調。皆從濁至清。迭更其聲。下則益濁。上則益清。徐晏安書曰。俗樂調有宮商角羽。而無徵調。徵在商之中也。今九宮譜北曲十六調。南曲十三調。皆本諸此。段安昌樂府襍錄二

十八調。以平上去入紀之。但于末記之云。商角同用。而宮逐羽音。此可推矣。隋志周文時。龜茲人言五旦之名。以華言譯之。旦卽均也。遼史有四旦。二十八調。曰婆陀力旦。卽七宮也。曰雞識旦。卽七商也。曰沙識旦。卽七角也。曰沙侯加濫旦。卽七羽也。其聲凡十。曰五凡工尺上一四六勾合。蔡元定嘗爲燕樂一書。證俗失以存古義。今采其略附此。黃鐘用合字。大呂太簇用四字。夾鐘姑洗用一字。夷則南宮用工字。無射應鐘用凡字。各以上下分爲清濁。其中呂蕤賓林鐘。不可以上下分。中呂用上字。蕤賓用勾字。林鐘用尺字。其黃鐘清用六字。大呂太簇夾鐘清。各用五字。而以下上緊別之。緊五者。夾鐘清聲。俗樂以爲宮。此其

取律寸律數用字紀聲之略也。一宮。二商。三角。四變爲宮。五徵。六羽。七閏爲角。五聲之號與雅樂同。惟變徵以于十二律中。陰陽易位。故謂之變。變宮以七聲所不及。取閏餘之義。故謂之閏。四變居宮聲之對。故爲宮。俗樂以閏爲正聲。以閏加變。故閏爲角。而實非正角。此其七聲高下之略也。聲由陽來。陽生于子。終于午。蕤樂以夾鐘收四聲。曰宮。曰商。曰羽。曰閏。閏爲角。其正角聲。變聲。徵聲。皆不收。而獨用夾鐘爲律本。此其夾鐘收四聲之略也。宮聲七調。曰正宮。曰高宮。曰中呂宮。曰道宮。曰南呂宮。曰仙呂宮。曰黃鐘宮。皆生于黃鐘。商聲七調。曰大石調。曰高大石調。曰雙調。曰小石調。曰揭指調。曰商調。曰越調。皆生于太簇。羽

聲七調。曰般涉調。曰高般涉調。曰中呂調。曰平正調。曰南呂調。
曰仙呂調。曰黃鐘調。皆生于南呂。角聲七調。曰大食調。曰高大
食角。曰雙角。曰小石角。曰揭指角。曰商角。曰越角。皆生于應鐘。
此其四聲二十八調之略也。存中曰。十二律并清宮四聲。當有
十六聲。今之燕樂。止有十五聲。蓋今樂高于古樂二律以下。故
無正黃鐘聲。只以合字當大呂。猶差高。當在大呂太簇之間。下
四字近太簇。高四字近夾鐘。下一字近姑洗。高一字近中呂。上
字近蕤賓。工字近林鐘。尺字近夷則。上字近南呂。高工字近無
射。六字近應鐘。凡字爲黃鐘清。高凡字爲大呂清。下五字爲太
簇清。高五字爲夾鐘清。法雖如此。然諸調殺聲。不能盡歸本律。

故有偏殺。側殺。寄殺。元殺之類。合字音似呵。四字似思。一字似伊。尺字似扯。六字音靈悠切。凡字音似翻。高凡字似泛。五字音鳴。卽今簫管七調諸法也。朱子曰半律。通典謂之子聲。後人失之。惟存四聲。有四清商聲。卽半聲也。王洙有古今樂律通譜云。今胡部樂。乃古之清商遺音。總論之。凡樂無五音。卽不成聲。猶聲高下不備。卽不成歌。外國各有其五音也。樂府之以清商各者。調法之名也。如今山坡羊曰商調。山桃紅曰越調之例。陳旸樂書曰。樂有歌。歌有曲。曲有調。故宮調比云。婆陀力調。又名道調。婆羅門曰阿修羅聲也。商調比名大乞會調。又名越調。又名雙調。婆羅門曰帝釋聲也。角調比名涉折調。又名阿謀調。婆羅

門曰。大辯天聲也。徵調比名多婆臘調。婆羅門曰。那羅延天聲也。羽調比名般涉調。又名平調。移風。婆羅門曰。梵天聲也。變宮調比名阿詭調也。金華文統曰。太常樂本大晟之遺法也。自汴蔡沒而東。嚴侯得其故樂。部之。國初徵樂東平。太常徐公遂典樂。其義不能究矣。崇寧之世。魏漢律乃以蜀一黔卒造大晟樂府。遂頒其書。律嘗私謂其弟子任宗堯曰。樂律高。北方玄鼎水又溢出。是不久矣。樂有古雅樂。有俗部樂。漢采謳已不古。六代多異音。北樂襲外國。乃隋平得樂。存者什四。世以爲中外正聲。蓋俗樂也。至是沛國公鄭譯復因龜茲人白蘇祗婆善琵琶而翻七調。遂以制樂。故今樂家猶有大石小石。大食般涉等調。大

石等國本在西域。而般涉卽是般瞻。華言羽聲。隋人且以是爲太簇羽矣。教坊色長張悛曾製大樂玄機論。七音六十律八十四調。不脫白蘇之舊。正行四十大曲。常行小節四部。弦管尚循唐末黎園之遺。此非鄙俗禱行乎。豈雅樂之未易復也。崔遵度作琴箋。非止夏至之音也。一自中而左。泛有三焉。右泛有三焉。及其應也。一必于四。二必于五。三必于六焉。苟盡法而考之。乃有二十三徽焉。是一氣也。尺絃具之。丈絃亦具之。作易者天地之象也。作琴者天地之聲也。愚者曰。大操皆自七徽起者。中也。聲起于中。兩頭分盡。鼓雖擊邊。聲亦中起。八音匏土革木一聲耳。竹止十三聲。高下借用。金石以厚薄備十三聲。則無所不備。

矣。此絃所以均鐘。而琴瑟所以不徹也。通典以應鐘爲變宮。蕤賓爲變徵。淮南子曰。姑洗生應鐘。不比于正音。故爲和。應鐘生蕤賓。不比于正音。故爲繆。按二變不得爲調。以其非正聲也。所謂和繆者。蓋以繆和之。取濟助耳。醫家有繆刺。左病則鍼右。恐其意亦當然。陸子淵曰。通典八音之外。又有三。舜時用八音。金石絲竹匏土革木。計用八百般樂器。至周時改用宮商角徵羽。用製五音。減樂器至五百般。至唐又減樂器至三百般。太宗朝三百般樂器內。桃絲竹爲戎部。用宮商角徵羽。分平上去入四聲。其徵音有其聲。無其調。八音之中。金聲最高。竹革之聲次之。匏音次之。絲音又次之。石音最低。藝苑卮言。何元朗云。北人

之曲以九宮統之。九宮之外別有道宮。高平般涉三調。道宮至低。南亦有九宮。然南歌或多與絲竹不協。豈所謂土氣偏諛邪。習按不然。今南歌皆可合竹。但不以合絲。以北曲促而弦宜連響也。南曲則緩。故難合耳。若精論之。皆可合也。元美調貫酸齋馬東籬。王實甫關漢卿張可久喬夢符鄭德輝宮大用白仁甫元曲擅長。但大江以北漸染胡語。沈約四聲遂闕其一。余按北無人聲。不始于元時。而外國忍收之語。非無入聲。愚者曰大氏五音二變之名。不得已而大者實則變動不拘也。其生也以音一而止五。必加七而循環始均。間處各一。故以名記之。猶勾股之記甲乙耳。推及聲原。雖音有七。而用則用五大。經所言七調。

吟九動地十。蘇門十一。劉公命鬼十二。阮氏逸韵十三。正章十四。畢章十五。此見異苑及炙轂子。後人別刻之。容有附會。余洪江見王少夫善嘯。或以指入口。能作諸聲。

通雅卷之二十九終

